

今體詩鈔

冊一



線
831.4
757-2
v. 2

舊籍

七言今體詩鈔卷第一

沈雲卿二首

古意贈補闕喬知之

盧家少婦鬱金堂
海燕雙棲玳瑁梁
九月寒砧催木
葉十年征戍憶遼陽
白狼河北音書斷
丹鳳城南秋
夜長誰謂含愁獨
不見更教明月照
流黃

興慶池侍宴應制

碧水澄潭映遠空
紫雲香駕御微風
漢家城闕疑天
上秦地山川似鏡
中向浦回舟萍已
綠分林蔽殿槿
初紅古來徒奏橫
汾曲今日宸游聖
藻雄

杜必簡二首

大酺

毘陵震澤九州通
士女歡娛萬國同
伐鼓撞鐘驚海

上新妝袂服照江東
梅花落處疑殘雪
楊柳開時任好風
火德雲官逢道泰
天長地久屬年豐

春日京中有懷

今年游寓獨游秦
愁思看春不當春
上林苑裏花徒發
細柳營前葉漫新
公子南橋應盡興
將軍西第幾留賓
寄與洛城風日道
明年春色倍還人

是時天子居東都故

遊秦者反
爲愁思

李巨山一首

奉和初春幸太平公主南莊應制

主家山第接雲開
天子春游動地來
羽騎參差花外轉
霓旌搖曳日邊回
還將石溜調琴曲
更取峯霞入酒杯
鑿輅已辭烏鵲渚
簫聲猶遶鳳皇臺

蘇廷碩二首

831.4
759-
v.2

扈從鄂社閭奉呈刑部尚書舅崔黃門馬常侍
翠輦紅旗出帝京長楊鄂社昔知名雲山一一看皆
美竹樹叢叢畫不成羽騎將歸持袂拂香車欲度捲
簾行漢家曾草巡游賦可似今朝應聖明

奉和春日幸望春宮應制

東望望春春可憐更逢晴日柳含煙宮中下見南山
盡城上平臨北斗縣細草偏承回輦處飛花故落舞
觴前宸游對此歡無極鳥弄歌聲雜管絃

張道濟二首

幽州新歲作

去歲荆南梅似雪今年薊北雪如梅共知人事何嘗
定且喜年華去復來邊鎮戍歌連日動京城燎火徹
明開遙遙西向長安日願上南山壽一栳

國家圖書館



002452230

101311740

滬湖山寺

此是燕公在岳州詩所謂得江山之助者也

空山寂歷道心生，虛谷迢遙野鳥聲。
禪室由來雲外賞，香臺豈是世中情。
雲閒東嶺千重出，樹裏南湖一片明。
若使巢由同此意，不將蘿薜易簪纓。

謝宣城云我行雖紆

組兼得窮迴豁結句即其義言不以遷謫為病而正得山水之樂也蓋其意實憾其詞反夸也

宗楚客一首

奉和幸安樂公主山莊應制

玉樓銀榜枕巖城，翠蓋紅旗列禁營。
日映層巖圖畫色，風搖雜樹管絃聲。
水邊重閣含飛動，雲裏孤峯類削成。
幸覩八龍游閬苑，無勞萬里訪蓬瀛。

七言今體詩鈔卷第一

七言今體詩鈔卷第二

王摩詰十一首

奉和聖製從蓬萊向興慶閣道中留春雨中春
望之作應制

渭水自縈秦塞曲
黃山舊遶漢宮斜
鑾輿迴出千門柳
閣道迴看上苑花
雲裏帝城雙鳳闕
雨中春樹萬人家
爲乘陽氣行時令
不是宸游玩物華

敕借岐王九成宮避暑應制

帝子遠辭丹鳳闕
天書遙借翠微宮
隔窗雲霧生衣上
卷幔山泉入鏡中
林下水聲誼笑語
巖閒樹色隱房櫳
仙家未必能勝此
何事吹笙向碧空

和太常韋主簿五郎溫湯寓目之作

漢主離宮接露臺

翼奉傳孝文欲作一臺廢而不爲其積土基至今猶存師古曰今在

新豐縣南驪山頂上據此則首句秦川一半夕陽開

是實事切景非漫用以就韻也

秦川一半夕陽開

青山盡是朱旗遶碧澗翻從玉殿來新豐樹裏行人度小苑城邊獵騎回聞道甘泉能獻賦懸知獨有子雲才

勅賜百官櫻桃

芙蓉闕下會千官紫禁朱櫻出上闌纔是寢園春薦後非關御苑鳥銜殘歸鞍競帶青絲籠中使頻傾赤玉盤飽食不須愁內熱大官還有蔗漿寒

酬郭給事

洞門高閣藹餘暉桃李陰陰柳絮飛禁裏疏鐘官舍晚省中啼鳥吏人稀晨搖玉佩趨金殿夕奉天書拜瑣闥強欲從君無那老將因臥病解朝衣

出塞作

右丞嘗為御史使塞上正其中年才氣極盛之時此作聲出金石有麾斥八極

之樂
矣

居延城外獵天驕白草連天野火燒暮雲空磧時驅
馬秋日平原好射鵬護羌校尉朝乘障破虜將軍夜
度遼玉靶角弓珠勒馬漢家將賜霍嫖姚

積雨輞川莊作

積雨空林煙火遲蒸藜炊黍餉東菑漠漠水田飛白
鷺陰陰夏木轉黃鸝山中習靜觀朝槿松下清齋折
露葵野老與人爭席罷海鷗何事更相疑

春日與裴迪過新昌里訪呂逸人不遇

桃源四面絕風塵柳市南頭訪隱淪到門不敢題凡
鳥看竹何須問主人城外青山如屋裏東家流水入
西鄰閉戶著書多歲月種松皆作老龍鱗

送揚少府貶郴州

明到衡山與洞庭若爲秋月聽蟬聲愁看北渚三湘
遠惡說南風五兩輕青草瘴時過夏口白頭浪裏出
湓城長沙不久留才子賈誼何須弔屈平

過乘如禪師蕭居士嵩邱蘭若

無著天親弟與兄嵩邱蘭若一峯晴食隨鳴磬巢鳥
下行踏空林落葉聲迸水定侵香案溼雨花應共石
牀平深洞長松何所有儼然天竺古先生

送方尊師歸嵩山

仙官欲住九龍潭毛節朱幡倚石龕山壓天中半天
上洞穿江底出江南瀑布杉松常帶雨夕陽彩翠忽
成嵐借問迎來雙白鶴已曾衡岳送蘇耽

奇氣噴溢

李願六首

寄司勳盧員外

流澌臘月下河陽草色新年發建章秦地立春傳太
史漢宮題柱憶仙郎歸鴻欲度千門雪侍女新添五
夜香早晚薦雄文似者故人今已賦長楊

寄綦毋三

綦毋潛以麗正殿書院校書授宜壽尉蓋薄尉職而去之歸南康宜壽即

蓋屋畿縣也故曰大邑而尉則黃綬矣時明皇居東都故曰去洛陽唐制選人吏部注擬後過

門下省是一過丞相府也麗正殿書院中書令張燕公統之三接借用易彖謂燕公有歎於進

賢矣南川即南江章貢水也西嶺即洪州西山也張曲江有洪州答綦毋學士詩足證其歸王

灣有哭綦毋補闕詩云遽洩悲成往俄傳龍令迴蓋補闕之命下而潛已死矣

新加大邑綬仍黃近與單車去洛陽顧盼一過丞相

府風流三接令公香南川粳稻花侵縣西嶺雲霞色

滿堂共道進賢蒙上賞看君幾歲作臺郎往復頓挫章法殊妙

送魏萬之京

太白稱萬爲王屋山人後改名顥作太白集序

朝聞游子唱驪歌昨夜微霜初度河鴻鴈不堪愁裏

聽雲山況是客中過關城樹色催寒近御苑砧聲向
晚多莫見長安行樂處空令歲月易蹉跎

送李迥

知君官屬大司農詔幸驪山職事雄歲發金錢供御
府晝看仙液注離宮千巖曙色旌門上十月寒花輦
路中不覩聲名與文物自傷流滯去關東

聲名屬李
收前四句

文物屬乘輿臨幸收後二句
勿以誤用左傳聲明摘之

題璿公山池

遠公遁迹廬山岑開士幽居祇樹林片石孤峯窺色
相清池皓月照禪心指揮如意天花落坐臥閑房春
草深此外俗塵俱不染惟餘元度得相尋

依王元美
定開山爲

開士

宿瑩公禪房聞梵

花宮仙梵遠微微月隱高城鐘漏稀夜動霜林驚落
葉曉聞天籟發清機蕭條已入寒空靜颯杳仍隨秋
雨飛始覺浮生無住著頓令心地欲皈依

岑參三首

首春渭城西郊呈藍田張二主簿

迴風度雨渭城西細草新花踏作泥秦女峯頭雲未
盡胡公陂上日初低愁窺白髮羞微祿悔別青山憶
舊谿聞道輞川多勝事玉壺春酒正堪攜

暮春虢州東亭送李司馬歸扶風別廬

柳鞦鸞嬌花復殷紅亭綠酒送君還到來函谷愁中
月歸去磻谿夢裏山簾前春色應須惜世上浮名好
是閒西望鄉關腸欲斷對君衫袖淚痕斑

和賈至舍人早朝大明宮之作

雞鳴紫陌曙光寒，鸞囀皇州春色闌。
金闕曉鐘開萬戶，玉階仙仗擁千官。
花迎劍珮星初落，柳拂旌旗露未乾。
獨有鳳皇池上客，陽春一曲和皆難。

高達夫三首

夜別韋司士

高館張燈酒復清，夜鐘殘月鴈歸聲。
只言啼鳥堪求侶，無那春風欲送行。
黃河曲裏沙爲岸，白馬津邊柳向城。
莫怨他鄉暫離別，知君到處有逢迎。

送李少府貶峽中王少府貶長沙

嗟君此別意何如，駐馬銜杯問謫居。
巫峽啼猿數行淚，衡陽歸鴈幾封書。
青楓江上秋天遠，白帝城邊古木疏。
聖代卽今多雨露，暫時分手莫躊躇。

送前衛縣李宋少府

黃鳥翩翩楊柳垂春風送客使人悲怨別自驚千里
外論文卻憶十年時雲開汶水孤帆遠路遶梁山匹
馬遲此地從來可乘興留君不住益淒其

常侍每工於發端

崔顥二首

黃鶴樓

昔人已乘黃鶴去此地空餘黃鶴樓黃鶴一去不復
返白雲千載空悠悠晴川歷歷漢陽樹芳草萋萋鸚
鵡洲日暮鄉關何處是煙波江上使人愁

行經華陰

峇嶢大華俯咸京天外三峯削不成武帝祠前雲欲
散仙人掌上雨初晴河山北枕秦關險驛樹西連漢
時平借問路傍名利客無如此地學長生

三四壯於嘉州秦女

聯一

崔曙一首

九日登望仙臺呈劉明府

漢文皇帝有高臺此日登臨曙色開
三晉雲山皆北向二陵風雨自東來
關門令尹誰能識河上仙翁去不迴
且欲近尋彭澤宰陶然共醉菊花杯

張正言二首

別韋郎中

此正言使長沙時韋與同時使蜀者首句言韋次句入別意三五句皆自

指四六句皆言韋

星軺計日赴岷峨雲樹連天阻笑歌
南入洞庭隨鴈去西過巫峽聽猿多
崢嶸洲上飛黃蜨灩澦堆邊起白波
不醉郎中桑落酒教人無那別離何

杜侍御送貢物戲贈

此蓋嶺南幕寮侍御其檢校借銜耳詩意刺其府主

銅柱朱崖道路難伏波橫海舊登壇
越人自貢珊瑚

樹漢使何勞獬豸冠疲馬山中愁日晚孤舟江上畏
春寒由來此貨稱難得多恐君王不忍看

祖詠一首


望薊門

燕臺一望客心驚簫鼓喧喧漢將營萬里寒光生積
雪二邊曙色動危旌沙場烽火連胡月海畔雲山擁
薊城少小雖非投筆吏論功還欲請長纓

七言今體詩鈔卷第二

經傳四

臨積一首



春寒自來直覺新
綠黃未老寒未盡
燕工不為春
...

晴窗對雨幾
...

七言今體詩鈔卷第三

杜子美六十首

秋興八首

玉露凋傷楓樹林，巫山巫峽氣蕭森。
江間波浪兼天湧，塞上風雲接地陰。
叢菊兩開他日淚，孤舟一繫故園心。
寒衣處處催刀尺，白帝城高急暮砧。

夔府孤城落日斜，每依北斗望京華。
聽猿實下三聲淚，奉使虛隨八月槎。
畫省香爐違伏枕，山樓粉堞隱悲笳。
請看石上藤蘿月，已映洲前蘆荻花。

千家山郭靜朝暉，日日江樓坐翠微。
信宿漁人還汎汎，清秋燕子故飛飛。
匡衡抗疏功名薄，劉向傳經心事違。
同學少年多不賤，五陵裘馬自輕肥。

聞道長安似奕碁，百年世事不勝悲。
王侯第宅皆新

主文武衣冠異昔時直北關山金鼓振征西車馬羽
書遲魚龍寂寞秋江冷故國平居有所思

蓬萊宮闕對南山承露金莖霄漢閒西望瑤池降王
母東來紫氣滿函關雲移雉尾開宮扇日遶龍鱗識
聖顏一臥滄江驚歲晚幾回青瑣點朝班

瞿塘峽口曲江頭萬里風煙接素秋花萼夾城通御
氣芙蓉小苑入邊愁珠簾繡柱圍黃鵠錦纜牙檣起
白鷗迴首可憐歌舞地秦中自古帝王州

瞿塘乃杜
公即日之

語蒙叟謂指明
皇幸蜀謬也

昆明池水漢時功武帝旌旗在眼中織女機絲虛夜
月石鯨鱗甲動秋風波漂菰米沈雲黑露冷蓮房墜

粉紅鬪塞極天唯鳥道江湖滿地一漁翁

蒙叟謂漁
翁即信宿

泛泛之漁人謂公自指則陋此謬解也公以垂綸自
命詩本數見何陋之有結句若非自指何以收拾本

昆吾御宿自逶迤紫閣峯陰入漢陂紅豆啄餘鸚鵡
粒碧梧棲老鳳皇枝佳人拾翠春相問仙侶同舟晚
更移綵筆昔曾干氣象白頭今望苦低垂

依毛大可定吟望爲

望今

登高

風急天高蟻嘯哀渚清沙白鳥飛迴無邊落木蕭蕭
下不盡長江滾滾來萬里悲秋常作客百年多病獨
登臺艱難苦恨繁霜鬢潦倒新停濁酒杯

九日藍田崔氏莊

老去悲秋強自寬興來今日盡君歡羞將短髮還吹
帽笑倩旁人爲正冠藍水遠從千澗落玉山高並兩
峯寒明年此會知誰健醉把茱萸仔細看

九日

重陽獨酌杯中酒抱病起登江上臺竹葉於人既無
分菊花從此不須開殊方日落元蟻哭故國霜前白
鴈來弟妹蕭條各何往干戈衰謝兩相催

返照

楚王宮北正黃昏白帝城西過雨痕返照入江翻石
壁歸雲擁樹失山村衰年病肺唯高枕絕塞愁時早
閉門不可久留豺虎亂南方實有未招魂

閣夜

歲暮陰陽催短景天涯霜雪霽寒宵五更鼓角聲悲
壯三峽星河影動搖野哭千家聞戰伐夷歌幾處起
漁樵臥龍躍馬終黃土人事音書漫寂寥

野望

西山白雪三城戍南浦清江萬里橋海內風塵諸弟
隔天涯涕淚一身遙唯將遲暮供多病未有涓埃答
聖朝跨馬出郊時極目不堪人事日蕭條

登樓

花近高樓傷客心萬方多難此登臨錦江春色來天
地玉壘浮雲變古今北極朝廷終不改西山寇盜莫
相侵可憐後主還祠廟日暮聊爲梁父吟

野老

野老籬前江岸迴柴門不正逐江開漁人網集澄潭
下賈客船從返照來長路關心悲劍閣片雲何意傍
琴臺王師未報收東郡城闕秋生畫角哀

宿府

清秋幕府井梧寒獨宿江城蠟炬殘永夜角聲悲自

語中天月色好誰看風塵荏苒音書絕關塞蕭條行
路難已忍伶俜十年事強移棲息一枝安

恨別

洛城一別四千里胡騎長驅五六年草木變衰行劍
外兵戈阻絕老江邊思家步月清宵立憶弟看雲白
日眠聞道河陽近乘勝司徒急爲破幽燕

聞官軍收河南河北

劍外忽傳收薊北初聞涕淚滿衣裳卻看妻子愁何
在謾卷詩書喜欲狂白首放歌須縱飲青春作伴好
還鄉卽從巴峽穿巫峽便下襄陽向洛陽

自注余園田在東京

諸將

漢朝陵墓對南山胡虜千秋尚入關昨日玉魚蒙葬
地早時金盃出人閒見愁汗馬西戎逼曾閃朱旗北

斗殷多少材官守涇渭將軍且莫破愁顏
韓公本意築三城擬絕天驕拔漢旌豈謂盡煩回紇
馬翻然遠救朔方兵胡來不覺潼關隘龍起猶聞晉
水清獨使至尊憂社稷諸君何以答昇平

洛陽宮殿化爲烽休道秦關百二重滄海未全歸禹
貢薊門何處盡堯封朝廷衰職誰爭補天下軍儲不
自供稍喜臨邊王相國肯銷金甲事春農

迴首扶桑銅柱標冥冥氛祲未全銷越裳翡翠無消
息南海明珠久寂寥殊錫曾爲大司馬總戎皆插侍
中貂炎風朔雪天王地只在忠良翊聖朝

錦江春色逐人來巫峽清秋萬壑哀正憶往時嚴僕
射共迎中使望鄉臺主恩前後三持節軍令分明數
舉楛西蜀地形天下險安危須仗出羣材

此五詩蒙
叟之箋皆

詠懷古迹

五首
錄四

支離東北風塵際
漂泊西南天地閒
三峽樓臺淹日月
五谿衣服共雲山
羯胡事主終無賴
詞客哀時且未還
庾信平生最蕭瑟
暮年詩賦動江關

搖落深知宋玉悲
風流儒雅亦吾師
悵望千秋一灑淚
蕭條異代不同時
江山故宅空文藻
雲雨荒臺豈夢思
最是楚宮俱泯滅
舟人指點到今疑

羣山萬壑赴荆門
生長明妃尚有村
一去紫臺連朔漠
獨留青冢向黃昏
畫圖省識春風面
環珮空歸月夜魂
千載琵琶作胡語
分明怨恨曲中論

蜀主窺吳下
三峽崩年亦在永安宮
翠華想像空山裏
玉殿虛無野寺中
古廟杉松巢水鶴
歲時伏臘走

邨翁武侯祠屋常鄰近

自注殿今爲寺廟在宮東

一體君臣祭祀

同

蜀相廟

丞相祠堂何處尋
錦官城外柏森森
映階碧草自春色
隔葉黃鸝空好音
三顧頻繁天下計
兩朝開濟老臣心
出師未捷身先死
長使英雄淚滿襟

贈田九判官

崆峒使節上青霄
河隴降王款聖朝
宛馬總肥春苜蓿
將軍只數漢嫖姚
陳留阮瑀誰爭長
京兆田郎早見招
麾下賴君才並美
獨能無意向漁樵

送路六侍御入朝

童稚情親四十年
中閒消息兩茫然
更爲後會知何地
忽漫相逢是別筵
不分桃花紅勝錦
生憎柳絮白

如綿劍南春色還無賴觸忤愁人到酒邊

寄章十侍御

自注時初罷梓州刺史東川留後將赴朝廷

淮海維揚一俊人金章紫綬照青春指揮能事迴天地訓練強兵動鬼神湘西不得歸關羽河內猶宜借

寇恂朝覲從容問幽仄勿云江漢有垂綸

竊按先主與吳爭荆

州既而連和分荆州以湘爲界江夏長沙桂陽東屬吳南郡零陵武陵西屬蜀是時壯繆董督荆州是湘西三郡皆歸之矣詩言章侍御罷留後之任不復如壯繆董督支郡猶當使仍守梓州耳蓋是時併兩川爲一道罷東川道故用湘西事爲精切蒙叟乃以來瑱爲程元振構陷當之瑱事何與於章彝耶

送李八祕書赴杜相公幕

青簾白舫益州來巫峽秋濤天地迴石出倒聽楓葉下艣搖背指菊花開貪趨相府今晨發恐失佳期後命催南極一星朝北斗五雲多處是三台

公安送韋二少府匡贊

逍遙公後世多賢送爾維舟惜此筵念我能書數字
至將詩不必萬人傳時危兵甲黃塵裏日短江湖白
髮前古往今來皆涕淚斷腸分手各風煙

送鄭十八虔貶司戶傷其臨老陷賊之故闕爲

面別情見乎詩

一本作貶
台州司戶

鄭公樗散鬢如絲酒後常稱老畫師萬里傷心嚴譴
日百年垂死中興時蒼皇已就長途往邂逅無端出
餞遲便與先生應永訣九重泉路盡交期

送辛員外

雙峯寂寂對春臺萬竹青青照客杯細草流連侵坐
軟殘花悵望近人開同舟昨日何由得並馬今朝未
擬迴直到綿州始分手江邊樹裏共誰來

送韓十四江東省覲

兵戈不見老萊衣，歎息人閒萬事非。我已無家尋弟妹，君今何處訪庭闈。黃牛峽靜灘聲轉，白馬江寒樹影稀。此別應須各努力，故鄉猶恐未同歸。

又作此奉衛王

前有江陵節度陽城郡王新樓成之作未錄

西北樓成雄楚都，遠開山嶽散江湖。二儀清濁還高下，三伏炎蒸定有無。推轂幾年惟鎮靜，曳裾終日盛文儒。白頭授簡焉能賦，愧似相如爲大夫。

所思

自注崔吏部倚

苦憶荊州醉司馬，謫官尊酒定常開。九江日落醒何處，一柱觀頭眠幾回。可憐懷抱向人盡，欲問平安無使來。故憑錦水將雙淚，好過瞿唐灩澦堆。

和裴迪登蜀州東亭送客逢早梅相憶見寄之

作

東閣官梅動詩興還如何遜在揚州此時對雪遙相
憶送客逢春可自由幸不折來傷歲暮若爲看去亂
鄉愁江邊一樹垂垂發朝夕催人自白頭

將赴荆南寄別李劍州弟

使君高義驅今古寥落三年坐劍州但見文翁能化
俗焉知李廣不封侯路經灑灑瀨雙蓬鬢天入滄浪一
釣舟戎馬相逢更何日春風回首仲宣樓

因許八奉寄江甯閔上人

不見閔公三十年封書寄與淚潺湲舊來好事今能
否老去新詩誰與傳棋局動隨幽澗竹袈裟憶上泛
湖船聞君話我爲官在頭白昏昏只醉眠

至日遣興奉寄北省舊閣老兩院故人

二首
錄一

憶昨逍遙供奉班去年今日侍龍顏麒麟不動爐煙

上孔雀徐開扇影還玉几由來天北極朱衣只在殿
中閒孤城此日腸堪斷愁對寒雲雪滿山

曲江陪鄭八丈南史飲

雀啄江頭楊柳花鳩鷓鴣滿晴沙自知白髮非春
事且盡芳尊戀物華近侍卽今難浪迹此身那得更
無家丈人才力猶強健豈傍青門學種瓜

賓至

幽棲地僻經過少老病人扶再拜難豈有文章驚海
內漫勞車馬駐江干竟日淹留佳客坐百年粗糲腐
儒餐不嫌野外無供給乘興還來看藥欄

客至

自注喜崔
明府相過

舍南舍北皆春水但見羣鷗日日來花逕不曾緣客
掃蓬門今始爲君開盤餐市遠無兼味尊酒家貧只

舊醅肯與鄰翁相對飲，隔籬呼取盡餘杯。

南鄰

錦里先生烏角巾，園收芋栗未全貧。
慣看賓客兒童喜，得食階除鳥雀馴。
秋水纔深四五尺，野航恰受兩三人。
白沙翠竹江村暮，相送柴門月色新。

野人送櫻桃

西蜀櫻桃也自紅，野人相贈滿筠籠。
數回細寫愁仍破，萬顆勻圓訝許同。
憶昨賜露門下省，退朝擎出大明宮。
金盤玉筯無消息，此日嘗新任轉蓬。

紫宸殿退朝口號

戶外昭容紫袖垂，雙瞻御座引朝儀。
香飄合殿春風轉，花覆千官淑景移。
晝漏稀聞高閣報，天顏有喜近
臣知宮中每出歸，東省會送夔龍集鳳池。

省中題壁

掖垣竹埤梧十尋洞門對雪常陰陰落花游絲白日
靜鳴鳩乳燕青春深腐儒衰晚謬通籍退食遲回違
寸心衮職曾無一字補許身愧比雙南金

九日

去年登高鄴縣北今日重在涪江濱苦遭白髮不相
放羞見黃花無數新世亂鬱鬱久爲客路難悠悠常
傍人酒闌卻憶十年事腸斷驪山清路塵

暮歸

霜黃碧梧白鶴棲城上擊柝復烏啼客子入門月皎
皎誰家擣練風淒淒南渡桂水闕舟楫北歸秦川多
鼓鼙年過半百不稱意明朝看雲還杖藜

白帝城最高樓

城尖徑仄旌旆愁獨立縹緲之飛樓峽坼雲霾龍虎
臥江清日抱鼉鼉游扶桑西枝封斷石弱水東影隨
長流杖藜歎數世者誰子泣血迸空迴白頭

灑灑

灑灑旣沒孤根深西來水多愁太陰江天漠漠鳥雙
去風雨時時龍一吟舟人樵子歌回首估客胡商淚
滿襟寄語舟航惡年少休翻鹽井橫黃金

崔氏東山草堂

愛汝玉山草堂靜高秋爽氣相鮮新有時自發鐘磬
響落日更見漁樵人盤剝白鴉谷口栗飯煑青泥坊
底芹何爲西莊王給事柴門空閉鎖松筠

將赴成都草堂途中有作先寄嚴鄭公

五首
錄一

錦官城西生事微烏皮几在還思歸昔去爲憂亂兵

入今來已恐鄰人非側身天地更懷古回首風塵甘
息機共說總戎雲鳥陣不妨游子芰荷衣

黃草

黃草峽西船不歸赤甲山下行人稀秦中驛使無消
息蜀道兵戈有是非萬里秋風吹錦水誰家別淚溼
羅衣莫愁劍閣終堪據聞道松州已被圍

白帝

白帝城中雲出門白帝城下雨翻盆高江急峽雷霆
鬪古木蒼藤日月昏戎馬不如歸馬逸千家今有百
家存哀哀寡婦誅求盡痛哭秋原何處村

野望

金華山北涪水西仲冬風日始淒淒山連越巒嶓三
蜀水散巴渝下五谿獨鶴不知何事舞飢鳥似欲向

人啼射洪春酒寒仍綠極目傷神誰爲攜

卽事

天畔羣山孤草亭江中風浪雨冥冥一雙白魚不受
釣三寸黃柑猶自青多病馬卿無日起窮途阮籍幾
時醒未聞細柳散金甲腸斷秦川流濁涇

七言今體詩鈔卷第三



十言各書

洪武元年

洪武元年

洪武元年

天華堂山外草亭山中風興雨冥冥一雙白魚不

讀書

入新樓其春歌琴竹絲絲自書

七言今體詩鈔卷第四

劉文房十二首

登餘干古縣城

孤城上與白雲齊萬古荒涼楚水西官舍已空秋草
沒女牆猶在夜烏啼平沙渺渺迷人遠落日亭亭向
客低飛鳥不知陵谷變朝來暮去弋陽谿

過賈誼宅

三年謫宦此棲遲萬古惟留楚客悲秋草獨尋人去
後寒林空見日斜時漢文有道恩猶薄湘水無情弔
豈知寂寂江山搖落處憐君何事到天涯

將赴嶺外留題蕭寺遠公院

自注寺卽梁朝蕭內史剏

竹房遙閉上方幽苔徑蒼蒼訪昔游內史舊山空日
暮南朝古木向人秋天香月色同僧室葉落猿啼傍

客舟此去播遷明主意白雲何事欲相留

獻淮南軍節度李相公

大歷十一年加淮西節度使李忠臣同平章事

十四年忠臣被逐於李希烈後乃改淮西軍號曰淮南題是編詩時追改及忠臣從朱泚爲逆

文房不及知矣

建牙吹角不聞喧三十登壇衆所尊家散萬金酬士
死身留一劍答君恩漁陽老將多迴席魯國諸生半
在門白馬翻翻春草綠邵陵西去獵平原

文房刺隨州乃淮西

屬

送李錄事兄歸襄陽

十年多難與君同幾處移家逐轉蓬白首相逢征戰
後青春已過亂離中行人杳杳看西日歸馬蕭蕭向
北風漢水楚雲千萬里天涯此別恨無窮

送耿拾遺歸上都

寶應元年以京北府爲上都此爲睦州司馬時作文房由

潘州貶回故云窮海別離也
潘州今高州陸州今嚴州

若爲天畔獨思秦對水看山欲暮春窮海別離無限
路隔河征戰幾歸人長安萬里傳雙淚建德千峯寄
一身想到郵亭愁駐馬不堪西望見風塵

送柳使君赴袁州

宜陽出守新恩至

袁州宜春郡東晉時以避諱稱宜陽

京口因家始願

違五柳閉門高士去三苗按節遠人歸月明江路聞
暖斷花暗山城見吏稀唯有郡齋窗裏岫朝朝空對
謝元暉

送陸澧倉曹西上

長安此去欲何依先達誰當薦陸機日下鳳翔雙闕
迴雪中人去二陵稀舟從故里難移棹家在寒塘獨
掩扉臨水自傷流落久贈君空有淚霑衣

青谿口送人歸岳州

洞庭何處鴈南飛
江菼蒼蒼客去稀
帆帶夕陽千里沒
天連秋水一人歸
黃花裊露開沙岸
白鳥銜魚上釣磯
岐路相逢無可贈
老年空有淚霑衣

江州重別薛六柳八二員外

生涯豈料承恩詔
世事空知學醉歌
江上月明秋鴈過
淮南木落楚山多
寄身且喜滄洲近
顧影無如白髮何
今日龍鍾人共棄
愧君猶遣慎風波

使次安陸寄友人

肅代之時江淮閒有劉展袁
龜之亂木陵以東光黃舒盧

蓋苦兵擾不識春和矣其
西則差安靜故有第四句

新年草色遠萋萋
久客將歸問路蹊
暮雨不知湏口處
春風只到木陵西
孤城盡日空花落
三戶無人自鳥啼
君在江南相憶否
門前五柳幾枝低

自夏口至鸚鵡洲望岳陽寄阮中丞
汀洲無浪復無煙
楚客相思亦渺然
漢口夕陽斜度
鳥洞庭秋水遠
連天孤城背嶺寒
吹角獨樹臨江夜
泊船賈誼上書憂漢室
長沙謫去古今憐

韋應物二首

自鞏洛舟行入黃河卽事寄府縣寮友
夾水蒼山路向東
東南山豁大河通
寒樹依微遠天
外夕陽明滅亂流中
孤村幾歲臨伊岸
一鴈初晴下
朔風爲報洛橋游
宦侶扁舟不繫與心同

寄李儋元錫

去年花裏逢君別
今日花開又一年
世事茫茫難自
料
春愁黯黯獨成眠
身多疾病思田里
邑有流亡愧
俸錢
聞道欲來相問訊
西樓望月幾回圓

韓君平三首

送鄭員外

風流不減杜陵時五十爲郎未是遲
孺子亦知天下士樂人爭唱卷中詩
身齊吏部還多醉心顧尚書自有期
要路眼看知己在不應窮巷久低眉

此等語尤猥陋

唐人多干乞之辭而

送冷朝陽還上元

青絲纜引木蘭船名遂身歸拜慶年
落日澄江鳥榜外秋風疏柳白門前
橋通小市家林近山帶平蕪野寺連
別後剛逢寒食節共誰攜手在東田

送客歸江州

東歸復得采真游江水迎君日夜流
客舍不離青雀舫人家多住白蘋洲
風吹山帶遙知雨露溼荷裳已

報秋聞道泉明居止近藍輿相訪慰淹留

李君虞一首

鹽州過五原至飲馬泉

綠楊著水草含煙舊是胡兒飲馬泉
幾處吹笳明月夜何人倚劍白雲天
從來凍合關山道今日分流漢
使前莫遣行人照容鬢恐驚憔悴入新年

皇甫茂政四首

秋日東郊

閒看秋水心無事坐對寒松手自栽
廬岳高僧留偈別茅山道士寄書來
燕知社日辭巢去菊爲重陽冒雨開
淺薄將何稱獻納臨歧終日獨遲回

送李錄事赴饒州

北人南去雪紛紛鴈叫沙汀不可聞
積水長天隨遠

客荒城極浦足寒雲山從建業千峯出江到潯陽九
派分借問督郵纔弱冠府中年少不如君

同溫丹徒登萬歲樓

高樓獨上思依依極浦遙山合翠微江客不堪頻北
望塞鴻何事復南飛丹陽古渡寒煙積瓜步空洲遠
樹稀聞道王師猶轉戰誰能談笑解重圍

春思

鶯啼燕語報新年馬邑龍堆路幾千家住層城鄰漢
苑心隨明月到胡天機中錦字論長恨樓上花枝笑
獨眠爲問元戎寶車騎何時返旆勒燕然

盧允言四首

長安春望

東風吹雨過青山卻望千門草色閒家在夢中何日

到春來江上幾人還
川原繚繞浮雲外
宮闕參差落照閒
誰念爲儒逢世難
獨將衰鬢客秦關

晚次鄂州

雲開遠見漢陽城
猶是孤帆一日程
估客晝眠知浪靜
舟人夜語覺潮生
三湘愁鬢逢秋色
萬里歸心對月明
舊業已隨征戰盡
更堪江上鼓鼙聲

至德中途中書事卻寄李淵

亂離無處不傷情
況復看碑對古城
路遶寒山人獨去
月臨秋水鴈空驚
顏衰重喜歸鄉國
身賤多慚問姓名
今日主人還共醉
應憐世上有儒生

秋日過獨孤郊居

閒園遇水到郊居
共引家僮拾野蔬
高樹夕陽連古巷
菊花藜葉滿荒渠
秋山近處行過寺
夜雨寒時起

讀書帝里諸親別來久豈知王粲舊樵漁

李從一二首

贈別嚴士元

春風倚棹闔廬城水國春寒陰復晴
細雨溼衣看不見閒花落地聽無聲
日斜江上孤帆影草綠湖南萬里情
東道若逢相識問青袍今已誤儒生

自蘇臺至望亭驛人家盡空春物增思
悵然有

作因寄從弟紆

此殆上元中劉展亂後之詩

南浦菰蔣覆白蘋東吳黎庶逐黃巾
野棠自發空流水江燕初飛不見人
遠樹依依如送客平田渺渺獨傷神
那堪回首長洲苑烽火年年報虜塵

李端二首

宿淮浦憶司空文明

愁心一倍長離憂，夜思千重戀舊游。
秦地故人成遠夢，楚天涼雨在孤舟。
諸谿近海潮皆應，獨樹邊淮葉盡流。
別恨轉深何處寫，前程惟有一登樓。

贈郭駙馬

青春都尉最風流，二十功成便拜侯。
金距鬪雞過上苑，玉鞭騎馬出長楸。
熏香荀令偏憐少，傅粉何郎不解愁。
日暮吹簫楊柳陌，路人遙指鳳皇樓。

劉夢得五首

西塞山懷古

王濬樓船下益州，金陵王氣黯然收。
千尋鐵鎖沈江底，一片降帆出石頭。
人世幾回傷往事，山形依舊枕寒流。
今逢四海爲家日，故壘蕭蕭蘆荻秋。

松滋渡望峽中

渡頭輕雨灑寒梅雲際溶溶雪水來夢渚草長迷楚
望夷陵土黑有秦灰巴人淚應猿聲落蜀客船從鳥
道回十二碧峯何處所永安宮外是荒臺

送浙西李僕射相公赴鎮

文宗太初八年李衛公以舊相爲鎮海節

度使時鎮海治潤州舊稱浙西衛公長慶寶歷閒爲浙西觀察使

建節東行是舊游歡聲喜氣滿吳州郡人重得黃丞
相稚子爭迎郭細侯詔下初辭溫室樹夢中先到景
陽樓自憐不識平津閣遙望旌旗汝水頭

同樂天送河南馮尹學士之任

馮宿長慶中以左散騎常侍兼

集賢殿學士拜河南尹

可憐五馬風流地暫輟金貂侍從才閣上掩書劉向
去門前修刺孔融來嶠陵路盡寒無雨洛水橋長晝
起雷卻羨府中常棣好先於城外百花開

宿第定與宿齊名見

宿傳此應酬
詩卻有氣色

哭呂衡州

呂溫以知雜御史貶通州刺史徙衡州卒年四十

一夜霜風凋玉芝蒼生絕望士林悲空懷濟世安人

略不見男婚女嫁時遺草一函歸太史旅墳三尺近

要離朔方徙歲行將晚欲爲君刊第二碑

夢得此時在貶謫故

以伯喈在朔方自比伯喈有爲人作二碑三碑者故擬北還雖呂已有碑猶欲爲更撰也

楊景山一首

送人

此必舊臣之子失志而投河北藩鎮者故不出其名衡州乃魏博管內非中朝士大夫

夫往來仕宦之路過衡州則幾如異域矣此其意最悽愴處

憶昔征南府內游君家東閣最淹留縱橫連句長侵
夜次第看花直到秋論舊舉楛先下淚傷離臨水更
登樓相思前路幾回首滿眼青山過衡州

柳子厚三首

登柳州城樓寄漳汀封連四州刺史

城上高樓接大荒，海天愁思正茫茫。
驚風亂颭芙蓉水，密雨斜侵薛荔牆。
嶺樹重遮千里目，江流曲似九迴腸。
共來百粵文身地，猶自音書滯一鄉。

別舍弟宗一

零落殘魂倍黯然，雙垂別淚越江邊。
一身去國六千里，萬死投荒十二年。
桂嶺瘴來雲似墨，洞庭春盡水如天。
欲知此後相思夢，長在荆門郢樹煙。

上而用煙字
不免湊韻

柳州城西北隅種甘樹

手種黃甘二百株，春來新葉徧城隅。
方同楚客憐皇樹，不學荊州利木奴。
幾歲花開聞噴雪，何人摘實見垂珠。
若教坐待成林日，滋味還堪養老夫。

結句自傷
遷謫之久

恐見甘之成林也而
託詞反平緩故佳

秦公緒一首

題茅山李尊師山居

此當卽李含光顏魯公所
爲書碑者也元宗奉爲師

故詩云
天師

天師百歲少如童不到山中竟不逢
洗藥每臨新瀑水步虛時上最高
峯籬閒五月留殘雪座右千年蔭
老松此去人寰知遠近回看雲壑一
重重

王仲初一首

李處士故居

霧濃煙重草萋萋樹映闌干柳拂隄
一院落花無客醉半牕殘月有鷺啼
芳筵想像情難盡故榭荒涼路欲迷
惆悵羸驂來往慣每經門巷亦長嘶

張文昌一首

寄和州劉使君

別離已久猶爲郡閒向春風倒酒餅送客將過沙口
堰看花多上水心亭曉來江氣連城白雨後山光滿
郭青到此詩情應更遠醉中高詠有誰聽

寶遺直一首

夏夜宿表兄宅話舊

夜合花開香滿庭夜深微雨醉初醒遠書珍重何曾
達舊事淒涼不可聽去日兒童皆長大昔年親友半
凋零明朝又是孤舟別愁見河橋酒幔青

白樂天十首

西湖留別

征途行色慘風煙祖帳離聲咽管弦翠黛不須留五
馬皇恩只許往三年綠藤陰下鋪歌席紅藕花中泊

妓船處處回頭盡堪戀就中難別是湖邊

錢塘湖春行

孤山寺北賈亭西水面初平雲腳低
幾處早鶯爭暖樹誰家新燕啄春泥
亂花漸欲迷人眼淺草纔能沒馬蹄
最愛湖東行不足綠楊陰裏白沙隄

夜歸

半醉閒行湖岸東馬鞭敲鐙響瓏璵萬株松樹青山
上十里沙隄明月中樓角漸移當路影潮頭欲過滿
江風歸來未放笙歌散畫戟門開燭燭紅

西湖晚歸回望孤山寺贈諸客

柳湖松島蓮花寺晚動歸橈出道場
盧橘子低山雨重櫻欄葉戰水風涼
煙波淡蕩搖空碧樓殿參差倚夕陽
到岸請君回首望蓬萊宮在水中央

非至西湖不知此寫

景之
工

江樓夕望招客

海天東望夕茫茫山勢川形闕復長
鐙火萬家城四畔星河一道水中央
風吹古木晴天雨月照平沙夏夜霜
能就江樓銷暑否比君茅屋較清涼

白傅俚俗不可耐其

佳處自不相掩

庾樓曉望

獨憑朱檻立凌晨山色初明水色新
竹霧曉籠銜嶺月蘋風暖送過江春
子城陰處猶殘雪衙鼓聲中未
有塵二百年來庾樓上曾經多少望鄉人

杭州春望

望海樓明照曙霞護江隄白踏晴沙
濤聲夜入伍員廟柳色春藏蘇小家
紅杏織綾誇柿蒂青旗酤酒趁

梨花誰開湖寺西南路草綠裙腰一道斜

與夢得沽酒閒飲且約後期

少時猶不憂生計老後誰能惜酒錢共把十千沽一
斗相看七十欠三年閑徵雅令窮經史醉聽清吟勝
管弦更待菊黃家醞熟共君一醉一陶然

寄殷協律

五載優游同過日一朝消散似浮雲琴書酒伴皆拋
我雪月花時最憶君幾度聽雞歌白日亦曾騎馬入
紅裙自注予在杭州日有歌云聽唱黃雞
與白日又有詩云著紅騎馬是何人吳娘暮雨
蕭蕭曲自別江南更不聞自注江南吳二娘曲詞
云暮雨蕭蕭郎不歸

欲與元八卜鄰先有是贈

平生心迹最相親欲隱牆東不爲身明月好同三徑
夜綠楊宜作兩家春每因暫出猶思伴豈得安居不

擇鄰何獨終身數相見子孫猶作隔牆人

元微之一首

以州宅誇於樂天

時觀察
越州

州城迴遶拂雲堆鏡水稽山滿眼來四面常時對屏
障一家終日在樓臺星河看向檐前落鼓角驚從地
底迴我是玉皇香案吏謫居猶得近蓬萊

自注越地
亦名蓬萊

七言今體詩鈔卷第四

七言今體詩鈔卷第五

李義山三十二首

漢南書事

西師萬衆幾時迴，哀痛天書近已裁。
文吏何曾重刀筆，將軍猶自舞輪臺。
幾時拓土成王道，從古窮兵是禍胎。
陛下好生千萬壽，玉樓長御白雲杯。

舞字即高常侍笑人

帳下猶歌舞意

隨師東

東征日調萬黃金，幾竭中原買鬪心。
軍令未聞誅馬謖，捷書惟是報孫歆。
但須鸞鷲巢阿閣，豈假鴟鴞在泮林。
可惜前朝元老，積骸成莽陣雲深。

重有感

玉帳牙旗得上游，安危須共主君憂。
寶融表已來關

右陶侃軍宜次石頭豈有蛟龍長失水更無鷹隼與
高秋晝號夜哭兼幽顯早晚星闕雪涕收

寫意

燕鴈迢迢隔上林高秋望斷正長吟人閒路有潼江
險天外山惟玉壘深日向花閒留返照雲從城上結
層陰三年已制思鄉淚更入新年恐不禁

安定城樓

迢遞高城百尺樓綠楊枝外盡汀洲賈生年少虛垂
淚王粲春來更遠遊永憶江湖歸白髮欲回天地入
扁舟不知腐鼠成滋味猜意鷓鴣竟未休

時義山爲
王茂元所

愛幕中必有忌之
者故結句云爾

茂陵

漢家天馬出蒲梢首著榴花徧近郊內苑只知含鳳

觜屬車無復插雞翹玉桃偷得憐方朔金屋修成貯
阿嬌誰料蘇卿老歸國茂陵松柏雨蕭蕭

籌筆驛

猿鳥猶疑畏簡書風雲常爲護儲胥徒令上將揮神
筆終見降王走傳車管樂有才終不忝關張無命欲
何如他年錦里經祠廟梁父吟成恨有餘

隋宮

紫泉宮殿鎖煙霞欲取蕪城作帝家玉璽不緣歸日
角錦帆應是到天涯於今腐草無螢火終古垂楊有
暮鴉地下若逢陳後主豈宜重問後庭花

馬嵬

海外徒聞更九州他生未卜此生休空聞虎旅傳宵
柝無復雞人報曉籌此日六軍同駐馬當時七夕笑

牽牛如何四紀爲天子不及盧家有莫愁

曲江

前四句言天寶之禍固所謂天荒地變矣五六則言甘露之事元宗事雖可悲然其

後則變幸既誅天子反正猶可言也若今受制家奴大臣冤死至不敢言其可傷不更多耶鄭

注言秦雍有災輿役厭之文宗因治曲江昆明曲江甘露兩事皆因注也故以起感

望斷平時翠輦過空聞子夜鬼悲歌金輿不返傾城色玉殿猶分下苑波死憶華亭聞唳鶴老憂王室泣銅駝天荒地變心雖折若比傷春意未多

九成宮

十二層城闥苑西平時避暑拂虹霓雲隨夏后雙龍尾風逐周王八駿蹄吳岳曉光連翠巘甘泉晚景上丹梯荔枝盧橘霑恩幸鸞鵠天書溼紫泥

荔枝盧橘皆夏熟切

避暑末句但謂詔求此果耳而語乃迂晦此義山之病

題道靜院院在中條山故王顏中丞所置號州

刺史捨官居此今寫真存焉

紫府丹成化鶴羣青松手植變龍文壺中別有仙家
日嶺上猶多隱士雲獨坐遺芳成故事褰帷舊貌似
元君自憐築室靈山下徒望朝嵐與夕曛

聖女祠

松篁臺殿蕙香幃龍護瑤窗鳳掩扉無質易迷三
里霧不寒長著五銖衣人閒定有崔羅什天上應無
劉武威寄問釵頭雙白燕每朝珠館幾時歸

重過聖女祠

白石巖扉碧蘚滋上清淪謫得歸遲一春夢雨常飄
瓦盡日靈風不滿旗萼綠華來無定所杜蘭香去未
移時玉郎會此通仙籍憶向天階問紫芝

井絡

并絡天彭一掌中漫誇天設劍爲峯陣圖東聚夔江
石邊析西縣雪嶺松堪歎故君成杜宇可能先主是
真龍將來爲報姦雄輩莫向金牛訪舊蹤

鄭州獻從叔舍人褒

蓬島煙霞閬苑鐘三官牋奏附金龍茅君奕世仙曹
貴許掾全家道氣濃絳簡尚參黃紙案丹鑪猶用紫
泥封不知他日華陽洞許上經樓第幾重

五六東餐西宿之語

意褒乃託神仙說以取貴者故以是諷之與

贈鄭協律哲

俱識孫公與謝公二年歌哭處還同已叨鄒馬聲華
末更共劉盧族望通南省恩深賓館在東山事往妓
樓空不堪歲暮相逢地我欲西征君又東

贈鄭謹處士

浪迹江湖白髮新浮雲一片是吾身寒歸山觀隨棋
局暖入江洲逐釣綸越桂留烹張翰鱠蜀薑供煮陸
機菹相逢一笑憐疏放他日扁舟有故人

前六句皆
謂鄭吾身

亦以託鄭也
未乃自指

留贈畏之

清時無事奏明光不遣當關報早霜中禁詞臣尋引
領左川歸客自迴腸郎君下筆驚鸚鵡侍女吹笙弄
鳳皇空記大羅天上事衆仙同日詠霓裳

弄鳳字用
後漢吳蒼

與矯
慎書

贈別前蔚州契苾使君

武宗會昌二年以蔚州
刺史契苾通將蕃兵詣

武振

何年部落到陰陵奕世勤王國史稱夜掩牙旗千帳
雪朝飛羽騎一河冰蕃兒襁負來青冢狄女壺漿出

白登日晚騰鵝泉畔獵路人遙識邳都鷹

唐書地理志

露元年於靈夏南境以降突厥置六胡州內有契丹部遷矣開元十年遷其入於河南及江淮二州六年還所遷胡戶置州然則此詩陰陵即漢九江郡之陰陵縣以其遷於江淮故居之耳又地理志西受降城北三百里有騰鵝泉

寄令狐學士

祕殿崔嵬拂彩霓曹司今在殿東西賡歌太液翻黃鵠從獵陳倉獲碧雞曉飲豈知金掌迴夜吟應訝玉繩低鈞天雖許人間聽闔闔門多夢自迷

子初郊墅

看山對酒君思我聽鼓離城我訪君臘雪已添牆下水齋鐘不散檻前雲陰移竹柏濃還淡歌雜漁樵斷更聞亦擬村南買煙舍子孫相約事耕耘

哭劉蕡

上帝深宮閉九閨，巫咸不下問銜冤。
廣陵別後春濤隔，滌浦書來秋雨翻。
只有安仁能作誄，何曾宋玉解招魂。
平生風義兼師友，不敢同君哭寢門。

過故府武威公交城舊莊感事

題減中字
依何義門

信陵亭館接郊畿，幽象遙通晉水祠。
日落高門喧燕雀，風飄大樹撼熊羆。
新蒲似筆思投日，芳草如茵憶吐時。
山下只今黃絹字，淚痕猶墮六州兒。

枯樹賦熊彪顧盼第

四句用其意

九日

曾共山翁把酒時，霜天白菊遶階墀。
十年泉下無人問，九日尊前有所思。
不學漢臣栽苜蓿，空教楚客詠江蘼。
郎君官貴施行馬，東閣無因再得窺。

少年

外戚平羌第一功，生年二十有重封。直登宣室螭頭上，橫過甘泉豹尾中。別館覺來雲雨夢，後門歸去蕙蘭叢。灞陵夜獵隨田寶，不識寒郊自轉蓬。

富平少侯

七國三邊未到憂，十三身襲富平侯。不收金彈拋林外，卻惜銀牀在井頭。綵樹轉鐙珠錯落，繡檀迴枕玉雕鏤。當關不報侵晨客，新得佳人字莫愁。

錦瑟

錦瑟無端五十弦，一弦一柱思華年。莊生曉夢迷蝴蝶，望帝春心託杜鵑。滄海月明珠有淚，藍田日暖玉生煙。此情可待成追憶，只是當時已惘然。

無題

來是空言去絕蹤，月斜樓上五更鐘。夢爲遠別啼難

喚書被催成墨未濃蠟照半籠金翡翠麝熏微度繡
芙蓉劉郎已恨蓬山遠更隔蓬山一萬重

無題

昨夜星辰昨夜風畫樓西畔桂堂東身無綵鳳雙飛
翼心有靈犀一點通隔座送鉤春酒暖分曹射覆蠟
鐙紅嗟余聽鼓應官去走馬蘭臺類轉蓬

杜工部蜀中離席

人生何處不離羣世路干戈惜暫分雪嶺未歸天外
使松州猶駐殿前軍座中醉客延醒客江上晴雲雜
雨雲美酒成都堪送老當壚仍是卓文君

二月二日

二月二日江上行東風日暖聞吹笙花鬚柳眼各無
賴紫蝶黃蜂俱有情萬里憶歸元亮井二年從事亞

夫營新難莫悟遊人意更作風簷夜雨聲

溫飛卿五首

經五丈原

鐵馬雲雕共絕塵柳營高壓漢宮春
天清殺氣屯關右夜半妖星照渭濱
下國臥龍空寤主中原得鹿不由人
象牀寶帳無言語從此譙周是老臣

第二句借用細柳營

以比武侯之營五丈原在武功東望
盤屋有漢離宮然終是湊句不佳

過陳琳墓

曾於青史見遺文今日飄蓬過此墳
詞客有靈應識我霸才無主始憐君
石麟埋沒藏春草銅雀荒涼對暮雲
莫怪臨風倍惆悵欲將書劍學從軍

春日偶成

西園一曲豔陽歌擾擾車塵負薜蘿
自欲放懷猶未

得不知經世竟如何夜聞猛雨判花盡寒戀重衾覺
夢多釣渚別來應更好春風還爲起微波

池塘七夕

月出西南露氣秋綺寮河漢在鍼樓楊家繡作鴛鴦
幔張氏金爲翡翠鉤銀燭有光妨宿燕畫屏無睡待
牽牛萬家礎杵三篙水一夕橫塘是舊游

題望苑驛

弱柳千條杏一枝半含春雨半垂絲景陽寒井人難
到長樂晨鐘鳥自知花影至今通博望樹名從此號
相思分明十二樓前月不向西陵照盛姬

七言今體詩鈔卷第五



五
仙
外
居
生

七言今體詩鈔卷第六

許用晦七首

藝文志作許
渾字用聘

題衛將軍廟

將軍名逖陽羨人少習詩書學劍二十七游
并汾閒遇神堯皇帝始建義旗逖以勇藝進
備行列洎擒竇建德逖時挾鎗劍前突後翼
太宗顧而奇之天下既定錄其功拜將軍宿
衛以母老且病乞歸侍殘年辭旨哀激詔許
之既而以孝敬睦閨門以然諾居鄉里及卒
邑人懷其賢廟於荆谿之湄以生平弓甲縣
東西廡下歲時祠祭頗福其土焉文士王敖
撰碑辭實詳備而國史闕書其人因題詩於

廟壁

虎牢關下護龍旗，挾槩彎弓馬上飛。
漢業未興王霸在，秦兵纔散魯連歸。
墳穿大澤埋金劍，廟枕長流挂鐵衣。
欲奠忠魂何處問，葦花楓葉雨霏霏。

金陵懷古

玉樹歌殘王氣終，景陽兵合戍樓空。
松楸遠近千官冢，禾黍高低六代宮。
石燕拂雲晴亦雨，江豚吹浪夜還風。
英雄一去豪華盡，惟有青山似洛中。

第二句不穩貼

凌歊臺

宋祖凌歊樂未回，三千歌舞宿層臺。
江潭雲盡暮山出，巴蜀雪消春水來。
行殿有基荒薺合，寢園無主野棠開。
百年便作萬年計，岳畔古碑空綠苔。

胡二武皆

稱祖武帝稱高祖孝武稱世祖凌歊在當塗黃山上地志孝武登凌歊臺置離宮本紀亦載姑熟校獵事今於黃山西望天門兩崖中豁江水真有從巴蜀直來之勢東望牛渚是爲江潭舊作湘潭字誤耳

用晦此詩大爲楊升庵詆斥不免有句無章之病寢
一聯與上二句如何接下要賴遊叟伸其屈然江潭
國二字亦湊用不的當此等詩
姑以句取可耳百年句無著

咸陽城東樓

一上高城萬里愁，蒹葭楊柳似汀洲。
谿雲初起日沈

閣，山雨欲來風滿樓。烏下綠蕪秦苑夕，蟬鳴黃葉漢

宮秋。行人莫問當年事，故國東來渭水流。
谿雲一聯固警句然

必當是咸陽景色耶大抵用晦詩似先得句而後加題傳合者然此其病也

晚自朝臺津至韋隱居郊園

秋來鳧鴈下方塘，繫馬朝臺步夕陽。
村徑遶山松葉暗，柴門臨水稻花香。
雲連海氣琴書潤，風帶潮聲枕簟涼。
西上磻谿萬餘里，可能垂白待文王。

京口閒居寄兩都親友

吳門煙月昔同游，楓葉蘆花並客舟。
聚散有期雲北

去浮沈無計水東流一樽酒盡青山暮千里書回碧
樹秋何處相思不相見鳳城宮闕楚江樓

送蕭處士歸緱山別業

醉斜烏帽髮如絲曾看仙人一局棋賓館有魚爲客
久鄉書無鴈到家遲緱山住近吹笙廟湘水行逢鼓
瑟祠今夜月明何處宿九疑雲盡碧參差

杜牧之四首

九日齊安登高

江涵秋影鴈初飛與客攜壺上翠微塵世難逢開口
笑菊花須插滿頭歸但將醪酌酬佳節不用登臨歎
落暉古往今來只如此牛山何必獨霑衣

得替後移居霅谿館

萬家相慶喜秋成處處樓臺歌板聲千歲鶴歸猶有

恨一年人住豈無情夜涼谿館留僧話風定蘇潭看
月生景物登臨閒始見願爲閒客此閒行

街西

碧池新漲浴嬌鴉分鎖長安富貴家游騎偶同人鬪
酒名園相倚杏交花銀鞍驟裏嘶宛馬繡鞅瓊瓏走
鈿車一曲將軍何處笛連雲芳樹日初斜

早鴈

金河秋半虜弦開

唐地理志單于大都護府金河縣本後魏道武所都雲外驚

飛四散哀仙掌月明孤影過長門燈暗數聲來須知
胡騎紛紛在豈逐春風一一迴莫厭瀟湘少人處水
多菰米岸莓苔

薛陶臣二首

韋壽博書齋

元宴先生已白頭不隨鷓鴣狎羣鷗元卿謝免開三
徑平仲朝回臥一裘醉後獨知殷甲子病來猶作晉
春秋塵纓未濯今如此野水無情處處流

送靈州田尚書

此田尚書疑卽通鑑會昌元年天德軍使田牟請率塞下雜虜

擊回鶻者田宏正之子也

陰風獵獵滿旌竿白草颼颼劍戟攢九姓羌渾隨漢

節六州蕃部從戎鞍

唐書迴鶻傳載鐵勒九姓之名曰藥羅葛等藥羅葛卽回鶻姓

也鐵勒有渾部然非羌渾與羌連言者吐谷渾也九姓與羌殊種此因渾部致誤用耳元和郡縣志調露

元年於靈州南界置魯麗含塞依契六州以處降突厥時謂之六胡州霜中入塞琯弓

響月下翻營玉帳寒今日路旁誰不指穰苴門戶慣

登壇

李德新一首

湖口送友人

中流日暮見湘煙葦岸無窮接楚天去鴈遠衝雲夢
雪離人獨上洞庭船風波盡日依山轉星漢通宵向
水連零落梅花過殘臘故園歸去又新年

李楚望一首

江上逢王將軍

虬鬚憔悴羽林郎曾入甘泉侍武皇鵬沒夜雲知御
苑馬隨春仗識天香五湖歸去孤舟月六國平來兩
鬢霜惟有桓伊江上笛臥吹三弄送殘陽

李文山一首

黃陵廟

小姑洲北浦雲邊二女明妝共儼然野廟向江春寂
寂古碑無字草芊芊迴風日暮吹芳芷落月山深哭
杜鵑猶似含顰望巡狩九疑凝黛隔湘川

趙承祐三首

長安秋夕

雲物淒清拂曙流，漢家宮闕動高秋。
殘星幾點鴈橫塞，長笛一聲人倚樓。
紫豔半開籬菊靜，紅衣落盡渚蓮愁。
鱸魚正美不歸去，空戴南冠學楚囚。

張安客舍敘邵陵舊宴懷永州蕭使君

湖南六朝之邵

陵郡唐爲邵州，題指此，非淮西之邵陵縣也。

邵陵臺樹碧蔥蘢

臺字誤，或

河漢西流宴未終，殘漏

五更傳海月，清笳三會揭天風。
香熏舞席雲鬟綠，光射骰盤蠟燭紅。
今日卻思行樂處，兩牀絲竹水樓中。
長安月夜與友生話故山

宅邊秋水浸苔磯，日日持竿去不歸。
楊柳風多潮未落，蒹葭霜在鴈初飛。
重嘶匹馬吟紅葉，卻聽疏鐘憶

翠微今夜秦城滿樓月故人相見一霑衣

韓致堯二首

春盡

惜春連日醉昏昏醒後衣裳見酒痕細水浮花歸別
澗斷雲含雨入孤村人閒易得芳時恨地迴難招自
古魂慚愧流鶯相厚意清晨猶爲到西園

亂後春日塗經野塘

世亂他鄉見落梅野塘晴暖獨裴裒船衝水鳥飛還
住袖拂楊花去又來季重舊游多喪逝子山新賦亦
悲哀眼看朝市成陵谷始信昆明是劫灰

殘春旅舍

旅舍殘春宿雨晴恍然心地憶咸京樹頭蜂抱花鬚
落池面魚吹柳絮行禪伏詩魔歸靜域酒衝愁陣出

奇兵兩梁免被塵埃汗拂拭朝簪待眼明

晉書輿服志進賢冠

文儒者之服三公三梁八座尚書二千石千石兩梁中書郎以下一梁後漢書捷爲任承馮信公孫述連徵命皆託青盲以避世難及聞述誅皆盥洗更視曰世適平目卽清

吳子華二首

金橋感事

太行和雪疊晴空二月春郊尚朔風
飲馬早聞臨渭北射雕今欲過
山東百年徒有伊川歎五利甯無魏絳
功日暮長亭正愁絕哀笳一曲戍煙中

題湖城縣西道中槐樹

零落欹斜此路中盛時曾識太平風
曉迷天仗歸春苑暮送鸞旗指洛宮
一自煙塵生薊北更無消息幸

關東而今只有孤根在烏啄蟲穿沒亂蓬

明皇以前人主常幸

東都緣道置宮館當時殊苦勞費及天寶亂後追思昔時更不可得此詩盛衰之感頗爲濃至但曉暮二

湊字

張儉二首

晚次湘源縣

煙郭遙聞向晚雞，水平舟靜浪聲齊。
高林帶雨楊梅熟，曲岸籠雲謝豹啼。
二女廟荒汀樹老，九疑山碧楚天低。
湘南自古多離怨，莫動哀吟易慘悽。

洞庭阻風

空江浩蕩景蕭然，盡日菰蒲泊釣船。
青草浪高二三月，綠楊花撲一谿煙。
情多莫舉傷春日，愁極兼無買酒錢。
猶有漁人數家住，不成村落夕陽邊。

羅昭諫二首

綿谷迴寄蔡氏昆仲

一年兩度錦江游，前值東風後值秋。
芳草有情皆礙

馬好雲無處不遮樓山牽別恨和腸斷水帶離聲入
夢流今日因君試回首淡煙喬木隔綿州

寄前宣州竇常侍

往年西謁謝元暉尊酒留歡醉始歸曲檻柳濃鶯未
老小園花暖蝶初飛噴香瑞獸金三尺舞雪佳人玉
一圍今日亂離尋不得滿蓑風雨釣魚磯

韋端己八首

憶昔

昔年曾向五陵游午夜清歌月滿樓銀燭樹前長似
晝露桃花下不知秋西園公子名無忌南國佳人字
莫愁今日亂離俱是夢夕陽惟見水東流

長安清明

早是傷春夢雨天可堪芳草正芊芊內官初賜清明

火上相閒分白打錢紫陌亂嘶紅叱撥綠楊高映畫
秋千游人記得昇平事暗喜風光似昔年傷亂而作此故佳若
正序承平而為是語則無味矣

過揚州

當年人未識兵戈處處青樓夜夜歌花發洞中春日
永月明衣上好風多淮王去後無雞犬煬帝歸來葬
綺羅二十四橋空寂寂綠楊摧折舊官河高駢呂用之妄事神
仙故借稱淮南而實數兵火之後雞犬皆盡歸來字用招魂然葬字不穩貼疑本是喪字

漢州

北儂初到漢州城郭邑樓臺舉目驚松桂影中旌旆
色芰荷風裏管弦聲人心不似經離亂時運還應卻
太平十日醉眠金鴈驛臨岐無限臉波橫

綏州

雕陰無樹水南流雉堞連雲古帝州帶雨晚駝鳴遠
戍望鄉孤客倚高樓明妃去日花應笑蔡女歸時鬢
已秋一曲單于暮煙起扶蘇城上月如鉤

汧陽縣閣

汧水悠悠去似緝遠山如畫翠眉橫僧尋野渡歸吳
岳鴈帶斜陽入渭城邊近不收蕃帳馬地貧惟賣隴
山鸚牧童何處吹羌笛一曲梅花出塞聲

與東吳生相遇

十年身事各如萍白首相逢淚滿纓老去不知花有
態亂來惟覺酒多情貧疑陋巷春偏少貴想豪家月
最明且對一尊開笑口未衰應見泰階平


思歸

暖絲無力自悠揚牽引春風斷客腸外地見花終寂

寞異鄉聞樂更淒涼紅垂野岸櫻還熟綠染迴汀草
又芳舊里若爲歸去好子期凋謝呂安亡

七言今體詩鈔卷第六





七言今體詩鈔卷第七

楊仲猷二首

寒食中寄鄭起侍郎

清明時節出郊原
寂寂山城柳映門
水隔澹煙修竹
寺路經疏雨落花村
天寒酒薄難成醉
地迴樓高易斷魂
回首故山千里外
別離心緒向誰言

贈譚先生

古觀重重遶翠微
杉松深處掩雙扉
雲生萬壑投龍去
海隔三山放鶴歸
花洞宴游春日永
石壇朝禮曙星稀
每聽高論長生理
擬向塵中便拂衣

楊大年五首

漢武

蓬萊銀闕浪漫漫
弱水迴風欲到難
光照竹宮勞夜

拜露溥金掌費朝餐力通青海求龍種死諱文成食
馬肝待詔先生齒編貝忍令索米向長安

書懷寄劉五

風波名路壯心殘三徑荒涼未得還病起東陽衣帶
緩愁多騎省鬢毛斑五年書命塵西閣千古移文愧
北山獨憶瓊林苦霜霰清尊歲宴強酡顏

世事悠悠未遽央虛名真意兩相忘休誇失馬曾歸
塞未省牽牛解服箱四客高風驚楚漢五君新詠棄
山王秋來尚有漁樵夢多在箕峯潁水傍

送客不及

宋詩紀事此
乃劉子儀詩

青門祖帳曙煙微片席乘流鳥共飛曲岸馬嘶風嫋
嫋短亭人散柳依依灞陵目斷猶迴望楚水魂銷爲
送歸祇是河梁傳怨曲洛塵千古化征衣

劉校理屬疾

北窗風勁雪雲繁移疾端居避世喧載酒誰過楊子
宅張羅休署翟公門多才最許飄飄氣少別還銷黯
黯魂促爾衰衷憶真賞遠天新月照黃昏

劉子儀二首

直夜

雞人肅唱發章溝漢殿重重虎戟稠絳羽欲棲溫室
樹金波先上結璘樓風來太液聞鳴鶴霧卷明河見
飲牛萬國表章頻奏瑞手披天語意如流

柳絮

半減依依學轉蓬斑駁無柰恣西東平沙千里經春
雪廣陌三條盡日風北斗城高連蟻蠓甘泉樹密蔽
青蔥漢家舊院眠應足豈覺黃金萬縷空

甘泉賦浮蟻蠓而撒

天此用以狀絮之高
大是迂晦楊劉體多此病

館中新蟬

庭中嘉樹發華滋可要螳螂共此時
翼薄乍舒宮女鬢蛻輕全解羽人尸
風來玉女烏先轉露下金莖鶴未知
日永聲長兼夜思肯容潘岳到秋悲

第二句滯
三四則

奇警
矣

胡武平四首

函谷關

天開函谷壯關中萬古驚塵向此空
望氣竟能知老子棄繻何不識終童
謾持白馬先生論未抵鳴雞下客功
符命已歸如掌地一九會誤隗王東

貪使事則
滯如此結

句是也其中
二聯自工

津亭

津亭歌闋戒棠舟五兩風來不少留西北浮雲連魏
闕東南初日照秦樓層城渺渺人傷別芳草萋萋客
倦游平樂舊歌收不得更憑飛夢到瀛洲

過桐廬

兩岸山花中有谿山花紅白徧高低靈源忽若乘槎
到仙洞還同採藥迷二月辛夷猶未落五更鴉舅最
先啼茶煙漁火遙堪畫一片人家在水西

古別

長道何年祖轍休風帆不斷岳陽樓佳人挾瑟漳河
曉壯士悲歌易水秋九帳青油徒自貴百壺芳醕豈
消憂至今長樂坡前水不啻秦人怨隴頭

林君復二首

孤山寺端上人房寫望

底處憑欄思渺然孤山塔後閣西偏陰沈晝軸林閒
寺零落棋枰葑上田秋景有時飛獨鳥夕陽無事起
寒煙遲留更愛吾廬近祇待重來看雪天

梅花

吟懷長恨負芳時爲見梅花輒入詩雪後園林纔半
樹水邊籬落忽橫枝人憐紅豔多應俗天與清香似
有私堪笑胡籬亦風味解將聲調角中吹

三四誠爲
妙句而通

首不
稱

宋公序一首

寄子京

八年三郡駕朱輪更忝鴻樞對國鈞老去師丹多忘
事少來之武不如人車中顧馬空能數海上逢鷗想
見親惟有弟兄偕隱者共將耕鑿報堯仁

宋子京二首

真定述事

凡誇述所任地者必貶謫自解之詞子京知真定亦是降黜故其言如此

莫嫌屯壘是邊州試聽山河說上游帳下文書三幕

府馬前鞞韎五諸侯王藩故社經除國俠窟餘風解

報仇四十年來民緩帶使君何事不輕裘

知真定府當兼三局

知府一也安撫司二也馬步軍都總管三也此所謂三幕府所統六州鎮州爲本府餘磁相邢趙洺故曰

五諸侯其地趙王鎔之故國故曰王藩故社

落花

墜素翻紅各自傷青樓煙雨忍相忘將飛更作迴風
舞已落猶成半面妝滄海客歸珠迸淚章臺人去骨
遺香可能無意傳雙蝶盡付芳心與蜜房

文寬夫一首

秋風

獵徧蘭叢與桂枝巢居未必有先期靈臺十仞烏隨
轉阿閣二重鳳豈知度柳暗催蟬嘒嘒出雲高送鴈
離離漢宮玉樹知何限爭忍重吟畫扇詩

王介甫五首

葛谿驛

缺月昏昏漏未央一燈明滅照秋牀病身最覺風霜
早歸夢不知山水長坐感歲時歌慷慨起看天地色
淒涼鳴蟬更亂行人耳正抱疏桐葉半黃

送項判官

斷蘆洲渚落楓橋渡口沙長過午潮山鳥自呼泥滑
滑行人相對馬蕭蕭十年長自青衿識千里來非白
壁招握手祝君能強飯華簪常得從雞翹

河中使君修撰陸公挽詞

前旌一幅粉書名行路知君亦涕零遂失詞人空甫
里謾留悲鶴老華亭主張壽祿無三甲收拾文章有
六丁歸去仙龕終不遠新墳東見海山青
管輅傳背無三甲腹無三壬此皆不壽之驗

葛興祖挽詞

憶隨諸彥附青雲場屋聲名看出羣孫寶暮年猶主
薄卜商今日更修文山川凜凜平生氣草木蕭蕭數
尺墳欲寫此哀終不盡但令千載少知君
荆公爲興祖誌墓故

爾云

悼王致處士

處士生涯水一瓢行年七十更蕭條老妻稻下分遺
秉弱子松閒拾墮樵豈有聲名高後世遂無饘粥永
今朝窮魂散漫知何處雨水東西不可招

王仲甫一首

西湖春日

爭得才如杜牧之試來湖上輒題詩
春煙寺院敲茶鼓夕照樓臺卓酒旗
濃吐雜芳熏蠟燭溼飛雙翠破
漣漪人閒幸有蓑兼笠且上漁舟作釣師

七言今體詩鈔卷第七

七言今體詩鈔卷第八

蘇子瞻三十一首

題寶雞縣斯飛閣

西南歸路遠蕭條倚檻魂飛不可招
野闢牛羊同鴈鷺天長草樹接雲霄
昏昏水氣浮山麓汎汎春風弄
麥苗誰使愛官輕去國此身無計老漁樵

宿九仙山

九仙謂左元放許邁王謝之流

風流王謝古仙真一去空山五百春
玉室金堂餘漢士桃花流水失秦人
困眠一榻香凝帳夢遶千巖冷
逼身半夜老僧呼客起雲峯缺處湧冰輪

病中游祖塔院

紫李黃瓜村路香烏紗白葛道衣涼
閉門野寺松陰轉欹枕風軒客夢長
因病得閒殊不惡安心是藥更

無方道人不惜階前水借與匏尊自在嘗

孤山二詠

自注孤山有陳時柏二株其一爲人所薪僧志詮作堂其側曰柏堂與白

公居易竹閣相連屬余作二首

柏堂

道人手種幾生前鶴骨龍姿尚宛然雙榦一先神物
化九朝三見太平年忽驚華構依巖出乞與佳名到
處傳此柏未枯君記取灰心聊伴小乘禪

竹閣

海山兜率兩茫然古寺無人竹滿軒白鶴不留歸後
語蒼龍猶是種時孫兩叢恰似蕭郎筆千畝空懷渭
上村欲把新詩問遺像病維摩詰更無言

開運鹽河是日宿水陸寺寄北山僧清順

草沒河隄雨暗村寺藏修竹不知門拾薪煑藥憐僧

病掃地焚香淨客魂農事未休侵小雪佛燈初上報
黃昏年來漸識幽居味思與高人對榻論

秀州報本禪院鄉僧文長老方丈

萬里家山一夢中吳音漸已變兒童每逢蜀叟談終
日便覺峨眉翠掃空師已忘言真有道我除搜句百
無功明年採藥天台去更欲題詩滿浙東

夜至永樂文長老院文時臥病退院

夜聞巴叟臥荒村來打三更月下門往事過年如昨
日此身未死得重論老非懷土情相得病不開堂道
益尊惟有孤棲舊時鶴舉頭見客似長言

過永樂文長老已卒

初驚鶴瘦不可識旋覺雲歸無處尋三過門閒老病
死一彈指頃去來今存亡慣見渾無淚鄉井難忘尚

有心欲向錢塘訪圓澤葛洪川畔待秋深

正月二十日與潘郭二生出郊尋春忽記去年
是日同至女王城作詩乃和前韻

東風未肯入東門走馬還尋去歲村人似秋鴻來有
信事如春夢了無痕江城白酒三椀釀野老蒼顏一
笑溫已約年年爲此會故人不用賦招魂

和子由澠池懷舊

人生到處知何似應似飛鴻踏雪泥泥上偶然留指
爪鴻飛那復計東西老僧已死成新塔壞壁無由見
舊題往日崎嶇還記否路長人困蹇驢嘶自注往日
死馬于二

陵騎驢
至澠池

壺中九華

自注湖口人李正臣蓄異石九峯玲瓏宛轉若窗櫺然予欲以百金買之

與仇池石爲偶方南遷未暇也
名之曰壺中九華且以詩記之

我家岷蜀最高峯，夢裏猶驚翠掃空。
五嶺莫愁千嶂外，九華今在一壺中。
天池水落層層見，玉女窗明處處通。
念我仇池太孤絕，百金歸買碧玲瓏。

送春

夢裏青春可得追，欲將詩句絆餘暉。
酒闌病客惟思睡，蜜熟黃蜂亦懶飛。
芍藥櫻桃俱掃地，鬢絲禪榻兩忘機。
憑君借取法界觀，一洗人間萬事非。

詠史和劉道原

仲尼憂世接輿狂，臧穀雖殊竟兩忘。
吳客漫陳豪士賦，桓侯初笑越人方。
名高不朽終安用，日飲無何計亦良。
獨掩陳編弔興廢，窗前山雨夜浪浪。

宋叔達家聽琵琶

數絃已品龍香撥，半面猶遮鳳尾槽。
新曲翻從玉連

鎖舊聲終愛鬱輪袍夢回只記歸舟字賦罷雙垂紫
錦條何異烏孫送公主碧天無際鴈行高

有美堂暴雨

游人腳底一聲雷滿坐頑雲撥不開天外黑風吹海
立浙東飛雨過江來十分潑灑金尊凸千杖敲鐸羯
鼓催喚起謫仙泉灑面倒傾鮫室瀉瓊瑰

次韻穆父尚書侍祠郊邱瞻望天光退而相慶

引滿醉吟

千章杞梓蔭雲天樗散誰收老鄭虔喜氣到君浮白
裏豐年及我挂冠前令嚴鐘鼓三更月野宿貔貅萬
竈煙太息何人知帝力歸來金帛看頰肩

八月七月初入贛過惶恐灘

七千里外二毛人十八灘頭一葉身山憶喜懽勞遠

夢

自注蜀道有錯喜歡鋪在大散關上

地名惶恐泣孤臣長風送客添

帆腹積雨浮舟滅石鱗便合與官充水手此生何止
略知津

儋耳

霹靂收威暮雨開獨憑欄檻倚崔嵬垂天雌霓雲端
下快意雄風海上來野老已歌豐歲語除書欲放逐
臣回殘年飽飯東坡老一壑能專萬事灰

予以事繫御史臺獄獄吏稍見侵自度不能堪
死獄中不能一別子由故作二詩授獄卒梁成
以遺子由

聖主如天萬物春小臣愚暗自亡身百年未滿先償
債十口無歸更累人是處青山可埋骨他年夜雨獨
傷神與君世世爲兄弟又結來生未了因

柏臺霜氣夜淒淒風動瓊瑤月向低夢遶雲山心似
鹿魂飛湯火命如雞眼中犀角真吾子身後牛衣愧
老妻百歲神游定何處桐鄉知葬浙江西

自注闍杭
湖闍民爲

余作解厄道揚者
累月故未有此句

贈虔州術士謝晉臣

屬國新從海外歸君平且莫下簾帷前身恐是盧行
者後學過呼韓退之死後人傳戒定慧生時宿直斗
牛箕憑君爲算行年看便數生時到死時

與秦太虛參寥會于松江而關彥長徐安中適

至分韻得風字

吳越谿山興未窮又扶衰病過垂虹浮天自古東南
水送客今朝西北風絕境自忘千里遠勝游難復五
人同舟師不會留連意擬看斜陽萬頃紅

與述古自有美堂乘月夜歸

娟娟霜月稍侵軒
潑潑星河半隱山
魚鑰未收清夜永
鳳簫猶在翠微閒
淒風瑟縮經絃柱
香霧淒迷著髻鬟
共喜使君能鼓樂
萬人爭看火城還

次韻述古過周長官夜飲

二更鏡鼓動諸鄰
百首新詩閒八珍
已遣亂蠹成兩部
更邀明月作三人
雲煙湖寺家家鏡
燈火沙河夜夜春
曷不勸公勤秉燭
老來光景似奔輪

祭常山回小獵

青蓋前頭點皂旗
黃茅岡下出長圍
弄風驕馬跑空立
趁兔蒼鷹掠地飛
回望白雲生翠巘
歸來紅葉滿征衣
聖朝若用西涼簿
白羽猶能效一揮

張子野年八十五尚聞買妾述古今作詩

錦里先生自笑狂莫欺九尺鬢眉蒼詩人老去鷺鷥
在公子歸來燕燕忙柱下相君猶有齒江南刺史已
無腸平生繆作安昌客略遣彭宣到後堂

朝雲詩

引不錄

不似楊枝別樂天恰如通德伴伶元阿奴絡秀不同
老天女維摩總解禪經卷藥鑪新活計舞衫歌扇舊
因緣丹成逐我三山去不作巫山雲雨仙

出潁口初見淮山是日至壽州

我行日夜向江海楓葉蘆花秋興長平淮忽迷天遠
近青山久與船低昂壽州已見白石塔短檝未轉黃
茅岡波平風軟望不到故人久立煙蒼茫

壽星院寒碧軒

清風肅肅搖窗扉窗前修竹一尺圍紛紛蒼雪落夏

簞冉冉綠霧沾人衣日高山蟬抱葉響人靜翠羽穿
林飛道人絕粒對寒碧爲問鶴骨何緣肥

黃魯直二十五首

題樊侯廟

門掩虛堂陰窈窈風搖枯竹冷蕭蕭邱墟餘意誰同
問豐沛英魂我欲招野老無知惟卜歲神巫何事苦
吹簫人歸田舍黃雲暮只有哀蟬伴寂寥

徐孺子祠堂

喬木幽人三畝宅生芻一束向誰論藤蘿得意干雲
日簫鼓何心進酒尊白屋可能無孺子黃堂不是欠

陳蕃古人冷淡今人笑湖水年年到舊痕

二首從杜公詠懷古

蹟來而變其面貌凡詠古詩鎔鑄事蹟裁對工巧此
西崑纖麗之體若大家以自吐胸臆兀傲縱橫豈以

儷事爲

尚哉

紅蕉洞獨宿

南窗高臥獨逍遙，真感生來不易銷。
枕落夢魂飛蛺蝶，燈殘風雨送芭蕉。
永懷玉樹埋塵土，何異蒙鳩挂葦苕。
衣笡妝臺蛛網結，可憐無以永今朝。

池口風雨留三日

孤城三日風吹雨，小市人家只菜蔬。
水遠山長雙屐屐，玉身閒心苦一春。
鉏翁從傍舍來收網，我適臨淵不羨魚。
俯仰之間已陳迹，暮窗歸了讀殘書。

登快閣

癡兒了卻公家事，快閣東西倚晚晴。
落木千山天遠，大澄江一道月分明。
朱絃已爲佳人絕，青眼聊因美酒橫。
萬里歸船弄長笛，此心吾與白鷗盟。

豪而有韻
此能移太

白歌行於
七律內者

夏日夢伯兄寄江南

故園相見略雍容
睡起南窗日射紅
詩酒一年談笑
隔江山千里
夢魂通河天
月暈魚分子
槲葉風微鹿
養茸幾度白沙青
影裏審聽嘶馬自搘筇

贈清隱持正禪師

清隱開山有勝緣
南山松竹上參天
擗開華嶽二三峯
手參得浮山九帶禪
水鳥風林成佛事
粥魚齋鼓到江船
異時折腳鐺安穩
更種平湖十頃蓮

題息軒

僧開小檻籠沙界
鬱鬱參天翠竹叢
萬籟參差寫明月
一家寥落共清風
蒲團禪板無人付
茶鼎熏鑪與客同
萬水千山尋祖意
歸來笑殺舊時翁

郭明府作西齋於穎尾請予賦詩

食貧自以官爲業聞說西齋意凜然萬卷藏書宜子
第十年種木長風煙未嘗終日不思穎想見先生多
好賢安得雍容一尊酒女郎臺下水如天

題安福李令朝華亭

丹楹刻桷上崢嶸表裏江山四望平曉日成霞張錦
綺青林多露綴珠纓人如旋磨觀羣蟻田似圍棋據
一枰對案昏昏迷簿領暫來登覽見高明

送彭南陽

南陽令尹振華鑣三月春風困柳條攜手河梁愁欲
別離魂芳草不勝招壺觴談笑平民訟賓客風流醉
舞腰若見賢如武侯者爲言來仕聖明朝

結太淺直
不爲佳江

西社中諸公多爲此等語所誤且武侯
乃居襄陽之南陽里非南陽郡也

答龍門潘秀才見寄

男兒四十未全老便入林泉真自豪明月清風非俗
物輕裘肥馬謝兒曹山中是處有黃菊洛下誰家無
白醪想得秋來常日醉伊川清淺石樓高

寄黃幾復

我居北海君南海寄鴈傳書謝不能桃李春風一柁
酒江湖夜雨十年燈持家但有四立壁治病不斬三
折肱想得讀書頭已白隔谿猿哭瘴谿藤

道中寄景珍兼簡庾元鎮

傳語濠州賢刺史隔年詩債幾時還因循尊俎疏相
見棄擲光陰只等閒心在青雲故人處身行紅雨亂
花閒遙知別後多狂醉惱殺江南庾子山

次韻奉寄子由

半世交親隨逝水幾人圖畫入凌煙春風春雨花經

眼江北江南水拍天欲解銅章行問道定知石友許
忘年鶴鴿各有思歸恨日月相催雪滿顛

和高仲本喜相見

雨昏南浦曾相對雪滿荊州喜再逢有子才如不羈
馬知君心是後凋松閒尋書冊應多味老傍人門想
更慵何日晴窗親筆硯一栢相屬更從容

和師厚郊居示里中諸君

籬邊黃菊關心事窗外青山不世情江橘千頭供歲
計秋蛙一部洗朝醒歸鴻往燕競時節宿草新墳多
友生身後功名空自重眼前尊酒未宜輕

次韻答柳通叟求田問舍之詩

少日心期轉繆悠蛾眉見妒且障羞但令有婦如康
子安用生兒似仲謀橫笛牛羊歸晚徑捲簾瓜芋熟

西疇功名可致猶回首何況功名不可求

次韻寅庵

大若塘邊獨網魚小桃源口帶經鉏詩催孺子成雞
柵茶約鄰翁掘芋區苦棟狂風寒徹骨黃梅細雨潤
如酥此時睡到日三丈自起開關招酒徒

雲谿石

造物成形妙化工地形咫尺遠連空蛟鼉出沒二三萬
頃雲雨縱橫十二峯宴坐使人無俗氣閒來當暑起
清風諸山落木蕭蕭夜醉夢江湖一葉中

次韻宋楸宗儗居甘泉坊雪後書懷

漢家太史宋公孫漫逐班行謁帝閣燕頷封侯空有
相蛾眉傾國自難昏家移四壁書侵坐馬瘦三山葉
擁門安得風帆隨雪水江南石上對窪尊

次韻宋楙宗三月十四日到西池都人盛觀翰
林公出游

金狻繫馬晚鷺邊不比春江上水船人語車聲喧法
曲花光樓影倒晴天人閒化鶴三千歲海上看羊十

九年還作遨頭驚俗眼風流文物屬蘇仙

第二句略
牽於韻不

能自
在

次韻柳通叟寄王文通

故人昔有凌雲賦何意陸沈黃綬閒頭白眼花行作
吏兒婚女嫁望還山心猶未死楮中物春不能朱鏡
裏顏寄語諸公肯湔被割雞令得近鄉關

元明題哥羅驛竹枝詞

尺五攀天天慘顏鹽煙溪瘴鎖諸蠻平生夢亦未嘗
處聞有鴉飛不到山風黑馬跪驢瘦嶺日黃人度鬼

門關黔南去此無多遠想在夕陽猿嘯聞

題落星寺

落星開士深結屋龍閣老翁來賦詩小雨藏山客坐
久長江接天帆到遲宴寢清香與世隔畫圖妙絕無
人知自注僧隆畫甚富而
寒山拾得畫最妙蜂房各自開戶牖處處煮
茶藤一枝此詩真所謂似
不食煙火人語

陳履常四首

城南

白下官楊小弄黃騎臺南路綠無央含紅破白連連
好度水吹香故故長蹲滑踏青穿馬耳轉危緣險出
羊腸熟知南社風流在預怯排門有斷章

和寇十一晚登白門

重門傑觀屹相望表裏山河自一方小市張燈歸意

動輕衫當戶晚風涼孤臣白首逢新政游子青春見
故鄉富貴本非吾輩事江湖安得便相忘

寄侍讀蘇尚書

六月西湖早得秋二年歸思與遲留一時賓客餘枚
叟在處兒童說細侯經國向來須老手有懷何必在
壺頭遙知丹地開黃卷解記清波沒白鷗

九日寄秦觀

疾風迴雨水明霞沙步叢祠欲暮鴉九日清尊欺白
髮十年爲客負黃花登高懷遠心如在向老逢辰意
有加淮海少年天下士獨能無地落烏紗

秦少游一首

中秋口號

一作雲口
閣白語

雲山檐楯接低空公宴初開氣鬱蔥照海旌旆秋色

裏激天鼓吹月明中香槽旋滴珠千顆歌扇驚圍玉
一叢二十四橋人盡望台星正在廣寒宮

晁無咎一首

游華嶽歸道中望仙掌

深巖踏徧尋歸路仙掌依然在碧虛無限游人重駐
馬豈惟狂客倒騎驢挂圖天漢朝霞上落影秦關夕
照餘千古全生纔一土可憐登覽盡邱墟

希夷祠堂
在觀中

晁景迂二首

都下追感往昔二首

少年使酒走京華縱步曾游小小家看舞霓裳羽衣
曲聽歌玉樹後庭花門侵楊柳垂珠箔窗對櫻桃卷
碧紗坐客半驚隨逝水主人星散落天涯

春風踏月過章華青鳥雙邀阿母家繫馬柳低當戶

葉迎人桃出隔牆花鬢深釵暖雲侵臉臂薄衫寒玉
映紗莫作一生惆悵事鄰州不在海西涯

米元章一首

望海樓

雲開鐵甕近青天縹緲飛樓百尺連三峽江聲流筆
底六朝帆影落尊前幾番畫角催紅日無事滄洲起
白煙忽憶賞心何處是春風秋月兩茫然

劉景文一首

寄蘇內翰

倦壓鰲頭請左符笑尋潁尾爲西湖二二三賢守去非
遠六一清風今不孤四海共知霜鬢滿重陽曾插菊
花無聚星堂上誰先到欲傍金尊倒玉壺

楊公濟一首

陪潤州裴如晦學士游金山回作

試上蓬萊第幾洲長雲漠漠鳥飛愁海山亂點當軒
出江水中分遶檻流天遠樓臺橫北固夜深燈火見
揚州迴船卻望金陵月獨倚牙旗坐浪頭

七言今體詩鈔卷第八



七言今體詩鈔卷第九

陸務觀八十七首

渡浮橋至南臺

客中多病廢登臨
聞說南臺試一尋
九軌徐行怒濤
上千艘橫繫大江心
寺樓鐘鼓催昏曉
墟落雲煙自古今
白髮未除豪氣在
醉吹橫笛坐榕陰

晚泊

半世無歸似轉蓬
今年作夢到巴東
身游萬死一生
地路入千峯
百嶂中鄰舫有時來
乞火叢祠無處不
祈風晚潮又泊淮南岸
落日啼鴉戍堞空

黃州

局促常悲類楚囚
遷流還歎學齊優

此是自蜀東歸時在蜀爲幕僚

故有楚囚之歎
召問乃以詩上
聞非欲登用故以齊優自比

江聲不盡英雄恨
天

意無私草木秋萬里羈愁添白髮一帆寒日過黃州
君看赤壁終陳迹生子何須似仲謀

閬中作

殘年作客徧天涯下馬長亭便似家三疊淒涼渭城
曲數枝閒淡閬中花襞牋授筦相逢晚理鬢熏衣一
笑譁俱是邯鄲枕中夢墜鞭不用憶京華

綿州魏成縣驛中有羅江東詩云芳草有情皆
礙馬好雲無處不遮樓戲用其韻

老夫乘興忽西游遠跨秦吳萬里秋尊酒登臨遍山
寺歌辭散落滿江樓孤城木葉蕭蕭下古驛灘聲灑
灑流未許詩人誇此地茂林修竹憶吾州

倚樓

減盡朱顏白髮新高樓徙倚默傷神未酬馬上功名

願已是人閒老大身太史周南方臥疾拾遺劍外又
逢春一栝且爲江山醉百萬呼盧迹已陳

登荔枝樓

放翁於乾道九年以唐安別駕
躉攝嘉州故有喚作主人句

平羌江水接天流涼入簾櫳已似秋喚作主人元是
客知非吾土強登樓閒憑曲檻常忘去欲下危梯更
小留公事無多廚釀美此身不負負嘉州

自注薛能
詩不負嘉

州負
此身

南定樓遇急雨

行遍梁州到益州今年又作度瀘游江山重複爭供
眼風雨縱橫亂入樓人語朱離逢峒獠權歌欵乃下
吳舟天涯住穩歸心懶登覽茫然却欲愁

登賞心亭

蜀棧秦關歲月道今年乘興卻東游全家穩下黃牛

峽半醉來尋白鷺洲黯黯江雲瓜步雨蕭蕭木葉石
城秋孤臣老抱憂時意欲請遷都淚已流

月下自三橋汎湖歸三山

素壁初升禹廟東天風爲我送孤篷山橫玉海蒼茫
外人在冰壺縹緲中茅舍燈青聞吠犬蘋汀煙淡見
驚鴻白頭尚耐清寒在安得終年伴釣翁

成都大閱

千步毬場爽氣清西山遙見碧嶙峋令傳雪嶺蓬婆
外聲震秦川渭水濱旗腳倚風時弄影馬蹄經雨不
霑塵屬橐縛袴毋多恨久矣儒冠誤此身

東坡祭常山回作不

費氣力而自豪健
放翁固猶遜之

山寺

籃輿送客過江村小寺無人半掩門古佛負牆塵漠

漠孤燈照殿雨昏昏喜投禪榻聊尋夢癩爲啼蛩更
斷魂要識人閒盛衰理岸沙君看去年痕

自注峽漲時水高數

十丈至冬盡落

六月十四日宿東林寺

看盡江湖千萬峯不嫌雲夢芥吾胸戲招西塞山前
月來聽東林寺裏鐘遠客豈知今再到老僧猶記昔
相逢虛窗熟睡誰驚覺野碓無人夜自舂

最似東坡

游修覺寺

上盡蒼崖百級梯詩囊香椀手親攜山從飛鳥行邊
出天向平蕪盡處低花落忽驚春事晚樓高剩覺客
魂迷興闌掃榻僧房臥清夢還應到剡谿

自合江亭涉江至趙園

政爲梅花憶兩京海棠又滿錦官城鴉藏高柳陰初

密馬涉清江水未生風掠春衫驚小冷酒潮玉頰見
微頰殘年飄泊無時了腸斷樓頭畫角聲

自芳華樓過瑤林莊

春晚江邊草過腰雨餘樓下水平橋名花未落如相
待佳客能來不費招欄角峭風羅袖薄柳陰斜日玉
驄驕此身醉死元關命敢笑聞鷄趁早朝

題繡川驛

繡川池閣記曾游落日欄邊特地愁白首卽今行萬
里澹煙依舊送孤舟歸心久負鱸魚膾春色初回杜
若洲會買一蓑來釣雨憑誰先爲謝沙鷗

將至京口

臥聽金山古寺鐘三巴昨夢已成空船頭坎坎回帆
鼓旗尾舒舒下水風城角危樓晴靄碧林閒雙塔夕

陽紅銅瓶愁汲中濡水不見茶山九十翁

自注頃在京口嘗取

中濡水寄
曾文清公

沂谿

射的峯前禹廟東短篷三扇臥衰翁閒攜清聖濁賢
酒重試朝南暮北風水落痕留紅蓼節雨來聲滿綠
蒲叢衝煙莫作匆匆去擬看谿丁下釣筒

早自烏龍廟歸

殘漏聲中聽曳鈴翩翩吹帽出郊坰雨過澗落雙虹
白雲台山餘一髮青鐵馬蹴冰悲昨夢朱顏辭鏡感
積齡歸來猶對空齋冷鳥迹蒼苔自滿庭

宴西樓

西樓遺迹尚豪雄錦繡笙簫在半空萬里因循成久
客一年容易又秋風燭光低映珠簾麗酒暈徐添玉

頰紅歸路迎涼更堪愛摩訶池上月方中

游山西村

莫笑農家臘酒渾豐年留客足雞豚山重水複疑無
路柳暗花明又一村簫鼓追隨春社近衣冠簡朴古
風存從今若許閒乘月拄杖無時夜叩門

冬夜汎舟有懷山南戎幕

釣船東去掠新塘船迳篷低露蘂香十里澄波明白
石五更殘月伴清霜飄飄楓葉無時下嫋嫋菱歌盡
意長誰信梁州當日事鐵衣寒枕綠沈槍

出城

翩翩烏帽出林坳掠面風微酒半醒戍火難尋玉關
夢衣塵空愧草堂靈天晴山雪明城郭水漲江流近
驛亭客鬢不如隄上柳數枝春動又青青

西村

亂山深處小桃源往歲求漿憶叩門高柳簇橋初轉
馬數家臨水自成村茂林風送幽禽語壞壁苔侵醉
墨痕一首新詩記今夕細雲新月耿黃昏

題湖邊旗亭

春色初回杜若洲佳人又典鸕鷀裘八千里外狂漁
父五百年前舊酒樓渡口遠山顰翠黛天邊新月挂
瓊鉤回頭笑向紅塵說也有閒愁到此不

七十

七十殘年百念枯桑榆元不補東隅但存隱具金鴉
觜那夢朝衣玉鹿盧身世蠶眠將作繭形容牛老已
垂胡客來莫問先生處不釣娥江卽鏡湖

寒食

峽雲烘日已成霞
灑水生文淺見沙
又向蠻方作寒食
強持卮酒對梨花
身如巢燕年年客
心羨游僧處處家
賴有春風能領略
一生相伴遍天涯

春日園中作

杏花開遍尚輕寒
盡日無人獨倚闌
久別名山憑夢到
每思舊友取書看
塵埃幸已賒腰折
富貴深知欠面團
老去逢春都有幾
一栢行復送春殘

秋夜

秋氣侵帷夢不成
一燈西壁翳還明
風高露井無桐葉
雨集煙村有鴈聲
擊筑誰同燕市飲
賃春方作會稽行
從來自處知何等
堪歎江湖白髮生

秋思

鴈陣橫空送早寒
白頭病叟住江干
風林脫葉山容

瘦霜稻登場野色寬
萬里關河驚契闊
一尊鄰曲話悲歡
書生餓死尋常事
那得重彈貢禹冠

新籬

新籬三面北通門
藤架陰中細路分
天雨淡青成卵色
水波微皺作靴紋
參差村舍穿林出
縹緲漁歌隔浦聞
忽覺楚鄉來眼底
欲題幽句弔湘君

冬夜戲書

老樹經霜已盡紅
縱橫落葉滿庭中
一鉤淡淡西南月
萬鼓馮馮東北風
賒酒每慚添舊券
讀書何計策新功
倚窗坐睡摧積甚
隔竹敲茶賴小童

初夏新晴

曲徑泥新晚照明
小軒纔受一牀橫
翩翩乳燕穿簾影
蔌蔌新篁解籜聲
藥物屏除知病減
夢魂安穩覺

心平深居不恨無來客時有山禽自贊名

書憤

早歲那知世事艱中原北望氣如山樓船夜雪瓜洲
渡鐵馬秋風大散關塞上長城空自許鏡中衰鬢已
先斑出師一表真名世千載誰堪伯仲間

書感

常記當年賦子虛公卿交口薦相如豈知鶴髮殘年
叟猶讀蠅頭細字書出處幸逃千載笑功名從負此
心初荒園落葉紛如積日暮歸來自荷鋤

書事

北征談笑取關河盟府何人策戰多掃盡煙塵歸鐵
馬翦空荊棘出銅駝史臣歷紀平戎策壯士遙傳入
塞歌自笑書生無寸效十年枉是枕琯戈

枕上作

蕭蕭白髮臥扁舟，死盡中朝舊輩流。
萬里關河孤枕夢，五更風雨四山秋。
鄭虔自笑窮耽酒，李廣何妨老不侯。
猶有少年風味在，吳牋著句寫清愁。

枕上作

一室幽幽夢不成，高城傳漏過三更。
孤燈無燄穴鼠出，枯葉有聲鄰犬行。
壯日自期如孟博，殘年但欲慕初平。
不然短楫棄家去，萬頃松江看月明。

臥病書懷

袞袞年光挽不留，卽今已白五分頭。
病中對酒猶思醉，夢裏逢人亦說愁。
青海戰雲臨賊壘，黑山飛雪灑貂裘。
丈夫有志終難料，憔悴漁村死卽休。

病起小飲

病起新霜滿鬢蓬，憑高一笑與誰同。酒如綠淨春江
水，人有鴻荒太古風。野寺鐘來夕陽外，寒山峯插亂
雲中。一官政爾妨人樂，只合滄浪狎釣翁。

醉中戲作

當年買酒醉新豐，豪士相期意氣中。插羽軍書立談
辨，如山鐵騎一麾空。玉關久付清宵夢，笠澤今成白
首翁。堪笑燈前如意舞，尚將老健壓諸公。

安流亭俟客不至獨坐成詠

憶昔西征鬢未霜，拾遺陳迹弔微茫。蜀江春水千帆
落，禹廟空山百草香。馬影斜陽經劍閣，鶻聲清曉下
瞿唐。酒徒雲散無消息，水榭憑闌淚數行。

通首皆取
用杜集

夢至成都悵然有作

宦途元不羨飛騰，錦里豪華壓五陵。紅袖引行游玉

局華燈圍坐醉金繩階前汗血洮河馬架上霜毛海
國鷹世事轉頭誰料得一官南去冷如冰

秋夜思南鄭軍中

五丈原頭刁斗聲秋風又到亞夫營昔如埋劍常思
出今作閒雲不計程盛事何由觀北伐後人誰可繼
西平眼昏不禁陳編得挑盡殘燈不肯明

懷南鄭舊游

南山南畔昔從戎賓主相期意氣中渴驥奔時書滿
壁餓鴟鳴處箭凌風千艘粟漕魚關北一點烽傳駱
谷東惆悵壯遊成昨夢戴公亭下伴漁翁

得季長書追懷南鄭幕府悵然有作

從戎昔在山南日強半春光醉裏銷綠樹啼鶯窺帽
影畫橋飛絮送鞭梢花經小雨開差晚笙怯餘寒澹

未調惆悵流年又如許羈魂欲仗楚詞招

雪夜感書

江月亭前樺燭香龍門閣上馱聲長亂山古驛經三
折小市孤城宿雨當晚歲猶思事鞍馬當時那信老
耕桑綠沈金鎖俱塵委雪灑寒燈淚數行

病中簡仲彌性唐克明蘇訓直

移疾還家暫曲肱依然耐久北牕燈心如澤國春歸
雁身似雲堂日過僧細雨佩壺尋廢寺夕陽下馬弔
荒陵小留莫厭時追逐勝社年來冷欲冰

自注三君皆有歸志

云故

因王給事回使奉寄

雨昏郡郭連三日吏報江流忽數回

自注江每漲肆吏輒報或三四

至正歎船如天上坐那知人自日邊來臂弓腰箭身

今老航海梯山運已開漢虜不應常自守期公決策
畫雲臺

陳阜卿先生爲兩浙轉運司考試官時秦丞相
之孫以右文殿修撰來就試直欲首選阜卿得
予文卷擢置第一秦氏大怒予明年旣顯黜先
生亦幾陷危機會秦公薨遂已予晚歲料理故
書得先生手帖追感平昔作長句以識其事不
知衰涕之集也

冀北當年浩莫分斯人一顧每空羣國家科第與風
漢天下英雄惟使君後進何人知大老橫流無地寄
斯文自憐衰鈍辜真賞猶竊虛名海內聞

雨泊趙屯有感

歸燕羈鴻共斷魂荻花楓葉泊孤村風吹暗浪重添

纜雨送新寒半掩門魚市人煙橫慘淡龍祠簫鼓鬧
黃昏此身且健無餘恨行路雖難莫更論

歸次漢中境上

雲棧屏山閱月遊馬蹄初喜蹋梁州地連秦雍川原
壯水下荆揚日夜流遺虜孱孱甯遠略孤臣耿耿獨
私憂良時恐作他年恨大散關頭又一秋

赴成都泛舟自三泉至益昌謀以明年下三峽
詩酒清狂二十年又摩病眼看西川心如老驥常千
里身似春蠶已再眠暮雪烏奴停醉帽秋風白帝放
歸船飄零自是關天命錯被人呼作地仙放翁紹興
未自敕令
所罷歸孝宗即位起之乾道二年又自洪州通判罷
歸故云再眠此時正通判夔州任滿故有放歸船句
然未行會王炎宣撫川陝辟為幕僚
自此在蜀又六七年乃下峽東歸

留題雲門草堂

小住初爲旬月期二年留滯未應非尋碑野寺雲生
屢送客溪橋雪滿衣親滌硯池餘墨漬臥看爐面散
煙霏他年游宦應無此早買漁蓑未老歸

雪晴行益昌道中頗有春意

杜陵雁下歲將殘匹馬西游雪擁關顛顛敢忘雙闕
路淹遲徧看兩川山春回柳眼梅須裏愁在鞭絲帽
影閒安得黃金成大藥爲人千載駐穢顏

舟行蘄黃閒雨霽得便風有感

天清雲白十分晴帆飽舟輕盡日行江底魚龍貪晝
睡淮南草木借秋聲好山縹緲何由住華髮蕭條只
自驚莫怪時人笑疎懶宦情元不似詩情

結句湊

寓驛舍

自注予三至成都皆館于是成

閒坊古驛掩朱扉又憩空堂綻客衣九萬里中鯤自

化一千年外鶴仍歸繞庭數竹饒新筍解帶量松長
舊園唯有壁閒詩句在暗塵殘墨兩依依

秋晚登城北門

幅巾藜杖北城頭卷地西風滿眼愁一點烽傳散關
信兩行雁帶杜陵秋山河興廢供搔首身世安危入
倚樓橫槩賦詩非復昔夢魂猶繞古梁州

獵罷夜飲示獨孤生

白袍如雪寶刀橫醉上銀鞍身更輕帖草角鷹掀兔
窟憑風羽箭作鴟鳴關河可使成南北豪傑誰堪共
死生欲疏萬言投魏闕燈前攬筆涕先傾

夜半千峯榭

夷甫諸人骨作塵至今黃屋尚東巡度兵大岷非無
策收泣新亭要有人薄釀不澆胸壘塊壯圖空負膽

輪困危樓插斗山銜月徙倚長歌一愴神

夜泊水村

腰間羽箭久凋零太息燕然未勒銘老子猶堪絕大
漠諸君何至泣新亭一身報國有萬死雙鬢向人無
再青記取江湖船泊處臥聞新雁落寒汀

小舟過御園

聖主憂民罷露臺春風別苑晝常開盡除曼衍魚龍
戲不禁芻蕘雉兔來水鳥避人橫翠靄宮花經雨委
蒼苔殘年自喜身強健又作清都夢一回

曳策

自注游
房園作

慈竹蕭森拱廢臺醉歸曳策一徘徊紛紛落日牛羊
下黯黯長空霰雪來三峽猿催清淚落兩京梅傍戰
場開客懷已是淒涼甚更聽城頭畫角哀

初夏閒居

川雲漠漠雨冥冥，濁酒閒傾不滿瓶。
蠶簇尚寒憂繭薄，稻陂初滿喜秧青。
王師護塞方屯甲，親詔憂民已放丁。
病起自憐猶健在，不須求應少微星。

夜坐小飲

零落槐花已滿溝，江湖又見一番秋。
冰輪有轍凌空上，銀漢無聲接地流。
丹荔甘寒勞遠致，玉醅醇冽喜新篘。
移牀坐對西南電，好雨心知不待求。

江樓醉中作

淋漓百榼宴江樓，秉燭揮毫氣尚遒。
天上但聞星主酒，人間寧有地埋憂。
生希李廣名飛將，死慕劉伶贈醉侯。
戲語佳人頻一笑，錦城已是六年留。

自注退之詩云越女

一笑三年留，鷓按前聯用孔北海天垂酒星之耀，仲長統寄愁天上埋憂地下並漢人語相稱後聯用唐

人詩若使劉伶爲酒帝亦須封我醉鄉侯
取材較猥對上句不過且于本意亦乖

月下醉題

黃鵠飛鳴未免飢此身自笑欲何之
閉門種菜英雄老彈鋏思魚富貴遲
生擬入山隨李廣死當穿冢近
要離一尊強醉南樓月感槩長吟恐過悲

生死一聯更勝前首

上一聯則
選前首

芳華樓夜宴

射虎將軍老不侯尚能豪縱醉江樓
笙歌雜沓娛清夜風露高寒接素秋
少日壯心輕玉塞暮年幽夢墮
滄洲人閒清絕沅湘路當笑靈均作許愁

醉中感懷

早歲君王記姓名只今顛顛客邊城
青衫猶是鷓行舊白髮新從劍外生
古戍旌旗秋慘澹高城刁斗夜

分明壯心未許全消盡醉聽檀槽出塞聲

春遊

春風隄上草萋萋草軟沙平護馬蹄似蓋微雲纔障日如絲小雨不成泥千秋觀裏逢新燕九里山前聽午雞追憶舊遊愁滿眼綵船曾繫畫橋西

結句蓋憶其去婦如

沈園絕句之意

南窗睡起

夢中忘卻在天涯一似當年錦里時狂倚寶笙歌白紵醉移紅燭寫烏絲酒來郫縣香初壓花送彭州露尚滋起坐南窗成絕歎玉樓乾鵲誤歸期

七月七日夜坐舍北水涯戲作

兀傲胡牀酒半醒釣筒收盡數舟橫風生細葛無三伏月上疎林正四更北斗離離低欲盡明河脈脈去

無聲斥僊豈復塵中戀便擬騎鯨返玉京

晚晴聞角有感

暑雨初收白帝城小荷新竹夕陽明十年塵土青衫
色萬里江山畫角聲零落親朋勞遠夢淒涼鄉社負
歸耕議郎博士多新奏誰致當時魯二生

萬里橋江上習射

坡隴如濤東北傾胡牀看射及春晴風和漸減雕弓
力野迥遙聞羽箭聲天上攬槍端可落草中狐兔不
須驚丈夫未死誰能料一筈他年下百城

感憤

今皇神武是周宣誰賦南征北伐篇四海一家天歷
數兩河百郡宋山川諸公尚守和親策志士虛捐少
壯年京洛雪消春又動永昌陵上草芊芊

書憤

鏡裏流年兩鬢殘，寸心自許尚如丹。衰遲罷試戎衣窄，悲憤猶爭寶劍寒。遠戍十年臨的博，壯圖萬里戰皋蘭。關河自古無窮事，誰料于今袖手看。

後寓歎

貂蟬未必出兜鍪，要是蒼鷹憶下鞦。彭澤徑歸端爲酒，輕車已老豈須侯。千年精衛心平海，三日於菟氣食牛。會與高人期物外，摩挲銅狄灞城秋。

新夏感事

百花過盡綠陰成，漠漠鑪煙睡晚晴。病起兼旬疎把酒，山深四月始聞鶯。近聞下詔通言路，已卜餘年見太平。聖主不忘初政美，小儒惟有涕縱橫。

直舍獨坐思成都

錦城花絮送吳船屈指東歸又幾年羣玉峯頭春老
矣百花潭上夢依然青衫尚記稱狂客白髮甯知作
老仙所恨酒腸非復昔間游空負杖頭錢

野興

掃盡紅塵閉是非舍傍好在舊苔磯壺中春色松肪
酒江上秋風木葉衣一片共知雲偶出千年誰識鶴
重歸勿言野外無供給雪後連山藥草肥

郊行

淒風吹雨過江城緩策羸驂並水行古路初驚秋葉
墮荒郊已放候蟲鳴壯心耿耿人誰識往事悠悠恨
未平斜日半竿羌笛怨西陵寂寞又潮生

聞猿

瘦盡腰圍不爲詩良辰流落自成衰也知客裏徧多

感誰料天涯有許悲漢塞角殘人不寐渭城歌罷客
將離故應未抵聞猿恨況是巫山廟裏時

十二月初一日得梅一枝絕奇戲作長句

高標已壓萬花羣尚恐嬌春習氣存月兔擣霜供換
骨湘娥鼓瑟爲招魂孤城小驛初飛雪斷角殘鐘半
掩門盡意端相終有恨夜寒皴玉倩誰溫

梅詩如此句可謂工

絕當在林處士高士美人聯上然猶在雪
後水邊一聯之下以免著意用氣力耳

風順舟行甚疾戲書

昔者遠戍南山邊軍中無事酒如川呼盧喝雉連暮
夜擊兔伐狐窮歲年壯士春燕臥白骨老夫晨鏡悲
華顛可憐使氣尚未減打鼓順流千斛船

舟中戲題

鮑郎山前煙雨昏疏燈小市愁偏門上船初發十字

港鼓櫂忽過二家村孤鸞對鏡空自感老龜搯牀何
足論但願諸公各戮力上助明主憂元元

泊公安縣

秦關蜀道何遼哉公安渡頭今始回無窮江水與天
接不斷海風吹月來船窗簾卷螢火鬧沙渚露下蘋
花開少年許國忽衰老心折柁樓長笛哀

陳去非一首

巴邱書事

三分書裏識巴邱臨老遊胡初一遊晚木聲酣洞庭
野晴天影抱岳陽樓四年風露悲遊子十月江湖吐
亂洲未必上流須魯肅腐儒空白九分頭

曾吉甫二首

李泰發參政得旨自便將歸以詩迓之

10131740

苦遭前政墮危機二十餘年詠式微天上謫仙皆欲
殺海濱大老竟來歸故園松竹猶存否舊日人民果
是非最小郎君今弱冠別時聞道不勝衣自注謂孫
壻文授孺

按李孟傳字文授光南遷時孟傳才六歲

食筍

花事闌珊竹事初一番風味殿春蔬龍蛇戢戢風雷
後虎豹班班霧雨餘但使此君常有子不憂每食歎
無魚丁甯下番須留取障日遮風卻要渠絕似
涪翁

楊廷秀一首

送邱宗卿帥蜀

諭蜀宣威百萬兵不須號令自精明酒揮勃律天西
椀鼓臥蓬婆雪外城二月海棠傾國色五更杜宇說
鄉情少陵山谷千年恨不遇邱遲眼為青
終

國家圖書館



002452230

